

重楼玉钥 清 郑梅涧

原叙

古人有言左手据天下之图右手刎其喉愚夫不为。何则天下虽大未若吾身之可贵也。故天下有心性之书。人心之所以死生存亡者也有医药之书人身之所以死生存亡者也故六经四子而下莫贵于医药之书。夫神农致辨于上药中药下药。周礼垂训于五气五色五声自古圣贤明哲之士未有不留心于此者。今之所谓喉科特大方中一事耳然其生死决于数日。安危判于顷刻。关系最大而世之业是科者。率学无根柢。不得真传。株守寒凉胶于偏见有识者不许也吾乡郑梅涧先生性好岐黄家言其先世得喉科秘授故于此尤精。远近无不知之。救危起死。不可胜数。余常见有垂毙者。

先生刺其颈出血如墨豁然大愈。其妙如此。而未尝受人丝粟之报。惟以利人为急殆亦范文正陆忠宣之意欤。先生秘惜此书又恐人乘危邀利故未尝授人。余幸得阅一二故喜而叙之夫天下重器尊生者不以身易。而是书之泽利济无穷则其贵重宜何如也。

嘉庆乙亥春余家居无事日取医书玩味适友人过访。出重楼玉钥示曰此书无刻本。予录一帙存阅因受而读之恍然有悟后凡遇喉症惜未解针灸仅按方投药。无不神验。乡党知有此书时。借抄写而流传未广。其中鲁鱼亥豕，指不胜屈惟以意更订一二。余则阙如也。原序不系姓氏谓作者为郑梅涧先生亦不知何许人。然辨证施治。各具神妙。非怀济世之婆心者孰能与于斯。今年夏吾津时疫流行。患喉症者极多。而治不得法往往受害余闭户养。未能遍告邻里。

私衷歉然。因与弟辈谋将此书再录稿本。寄至吴门。托孙君朴斋校订。付之剞劂则此后人人得所指南。患者即不延医而对证检方谅亦不致夭枉余心庶稍慰矣。

道光十八年岁次戊戌仲秋上浣津门冯相 识

人之一身百症皆可致危。独咽喉之症尤危之危者。不炊黍间毙可立俟。虽居近良医之门。旋发旋治。犹若恨晚。

而林荒山僻之境。更可知已。余甚悯焉。余不知医。而遇古方之百试百效。为人人所传播者。手钞成帙。或刊附善书。或钹刷片纸以赠人。咽喉科一门流传者。当不下数十种。独喉科经验秘传。为程君瘦樵定本。业是科者大半宗之。余谓外此罕有其匹者。一日黄君竹亭自津门寓书于余谓冯君石农丹崖昆季秘藏。重楼玉钥一书为喉科指南。

亟欲付梓。以公诸世。而近处鲜良工。君客吴门久。当易物色。且君亦乐为之。常若不及。窃欲以此事浼君可乎。

余闻之距跃三百。亟思睹是书冀是书之速成而广行于世也促其寄余。不两

月而书至。其间或针或药诸法赅备。足以补经验秘传所不及。洵喉科中之见所未见者。爰为之选工开雕慎校。以期无负良友之委任。而副良友济世之婆心也。竹亭向与余同客燕台。嗣而客吴。闾客由拳里。皆同几砚。无间臭味。盖恂恂然为行君子也。丹崖与余亦曾晤于京邸。乐善不倦。见义必为。常隐跃于眉宇间。其兄石农则余所愿见未能者。然闻其作令山右也。有能吏声。有生佛颂。余固久信之。且即于与丹崖之同梓是书。而益信之也。书成索序于余。余不知医。又何敢论医之书。然其书则固百试百效而当为人人所传播者也。余窃愿罄竹而印是书。使人人挟是书以防患于未然。微特林荒山僻之境不能入市问药者不啻家有一医。即居近医者之门。而既有此百试百效之书亦较愈于踵其门而求试其万有一效之技矣。

是即石农诸君梓是书之意也夫。

道光十有九年岁次己亥花朝后一日桐乡孙学诗谨序于吴门之石泉古舍。

卷上

咽喉说

呼者因阳出。吸者随阴入。呼吸之间。肺经主之。喉咙以下言六脏为手足之阴。咽门以下言六腑为手足之阳。

盖诸脏属阴。为里。诸腑属阳。为表。以脏者藏也。藏诸神流通也。腑者府库。主出纳水谷糟粕转输之谓也。自喉咙以下六脏。喉应天气乃肺之系也。以肺属金。干为天。干金也。故天气之道。其中空长。可以通气息但喉咙与咽并行。其实两异。而人多惑之。盖喉咙为息道。咽中下水谷。其喉下接肺之气一云喉中三窍者。非果喉中具三窍。

则水谷与气各从一窍而俱下。肺中肺下无窍何由传送水谷入于下焦。黄帝书云。肺为诸脏之华盖。藏真高之气于肺经也。故清阳出上窍浊阴出下窍。若世人不知保元风寒暑湿燥火之六气喜怒忧思悲恐惊之七情役冒非理。百病生焉病疡既成须寻所自若喉痹乳蛾缠喉风喉闭喉疮风毒热毒等症当刺者则刺不可乱医。宜吐者则吐不可妄治须识其标本辨其虚实而攻导之不失其法临症变通功效立见其患自安。至于虚损劳瘦咳伤咽痛者此乃真阴亏竭金木不能相生而龙雷之火奔腾上灼火炎则金伤金伤高源无以蒸吻布沤。而咳血声哑咽痛干紧之症作矣。吁如症至此不惟非法可治。且百无一生。可胜言哉。

卷上

喉科总论

夫咽喉者生于肺胃之上。咽者咽也主通利水谷。为胃之系乃胃气之通道也。长一尺六寸重六两。喉者空虚。主气息出入呼吸为肺之系。乃肺气之通道也。凡九节。长一尺六寸重十二两。故咽喉虽并行其实异用也然人之一身惟此最

为关要，一气流通行于六脏六腑呼吸之经若脏腑充实。肺胃和平则体安身泰一有风邪热毒蕴积于内传在经络。结于三焦气凝血滞。不得舒畅。故令咽喉诸症种种而发苟非见症随治则风痰愈盛热毒日深渐至喉间紧闭水泄不通几何而不殒命耶。大抵风之为患好攻上而致疾者。三十六症内关咽喉为第一。

卷上

诸风秘论

有人云。喉风无非热症便乱投凉剂或误用刀针夭枉人命者众矣。若识症真先治而后调理百发百中。有可吐者有可下者。有可发散者有可洗可漱者。苟若识症未真切勿孟浪如双鹅。单鹅。重舌。木舌。重。双缠喉单缠喉。爆骨搜牙诸症乃是恶症。善候则易治。双松子。单松子。双燕口。单燕口。鱼鳞。斗底。帝中。落架。鱼口。穿颌诸症。此是善候。恶疾则难治。合架。角架。粟房。瘰。掩颈。双搭。颊单搭。颊双单燕口。内外搜牙。乘枕驴嘴。

悬鱼腮。咽疮。牙疳。叉喉。边头痛夺食。肥株子。诸风。此是善症善候。但要症候认真。随轻重治之不可误投凉药。若用针刀。俱要逐一对症先用药降定然后下药调理。如此等症。务须根据方进药。未可速于求安。则轻者一匕。

重者二匕。自能取效。即信心诸药。仍须仔细详察。不可轻忽。大凡用药。自内攻出为上策。取痰攻上为中策。沉为下策。热重者。令去内热。用药取病归上。拦定风热。使其攻上不下。诚为善治者。不如是。则病入胃鬲。因传于心肺中。辄变他症。是医之罪也。切宜留心详审。慎毋轻率焉。咽在后主食。喉在前主气。十二经中。惟足太阳主表别下项。余经皆内循咽喉。尽得以病之。而统在君相二火。喉主天气属肺金。其变动为燥。燥则塞而闭。咽主地气属脾土。其变动为湿。湿则肿而胀。皆火郁上焦。致痰涎气血结聚于咽喉。肿达于外。麻痒且痛而紧。是为缠喉风。红肿于两旁兼闭塞。是为喉痹。

卷上

阴阳论

经云。痈从六腑生。疽从五脏出。皆阴阳相滞而成。气为阳。血为阴。血行脉中。气行脉外。相并周流。寒湿搏之则凝滞而行迟。为不及。火热抟之则沸腾而行速。为太过。气郁邪入血中。为阳滞于阴。血郁邪入气中。为阴滞于阳。致生诸症恶毒。然百病皆由此也。

凡头痛不止者。属外感。宜发散。乍痛乍止者。属内伤。当补虚。又有偏头痛者。（非边头风当审之）左属风与血虚。右属痰热与气虚。

卷上

辨面色论

色青者。病属肝。合散血。色黄者。病属脾滞。宜消食。色赤者。病属心。合散血清火。色白者。病属肺。宜顺气。色黑者。病属肾虚。当滋补。以上所论五色乃就诸风病症愈后而言。以识调理本经也。

卷上

坏症须知

喉内生风莫待迟。胸中气急主倾危。更加心胁如刀刺。妻子亲朋定别离。大小便中添秘结。病患魂魄去如飞。

此是医家真妙诀。预将生死报君知。

病患眼直口开时。气出无收手散垂。若见此形宜速退休贪名利自狐疑。

翻唇鱼口误针时。不日黄泉实可悲。此症亦名为恶症。卢医遇着也难医。

卷上

论证

凡属喉风之症。预先必作寒发热。甚则大便秘结。小便涩赤头痛烦渴。时医不识。妄以羌活药味投之。不知羌活乃散寒邪达肌发表之品。非喉科所宜用。故是书所定紫正地黄散。专治一切诸风。无不神效。诚妙秘也。

卷上

附纂咽喉不治症

一凡虚阳上攻者。四肢厥冷上下不升降水火不既济。腰冷不知痛痒。口中痰多唇黑者不治。

一凡手足冷者声音不响喉中肿烂干痛无痰涎者。不治。

一凡妇人产前。咽喉肿痛。及心头疼而脉浮者。不治。

一面赤而目睛上视者不治。

一面色青白。眼目无神。咽痛音哑。唇白鼻扇者。不治。

一面黑头自汗而鼻塞者。不治。

一心胸紧满吐痰不出者。勿治。

一气喘促。四肢厥冷。勿治。

一心中忙忡。胸前红甚。舌卷。面赤浮肿。目斜视者。不治。

一朝热往来时节谵语。不治。

一胸满胀急。不治。

以上皆属咽喉中险症。凡患喉风。遇有现此等症者。宜详察早回。以免后咎。医者慎诸。

卷上 喉风三十六症

斗底风

欲识人间斗底风。十分红肿在心胸。更加痰壅咽喉内。针药无功命必终。

此症初起吞咽不下但胸前红肿渐至结喉。一时难安。初起能咽水者。可治。先用角药加摩风膏少许。冷井水调噙。取痰次开风路针。（所谓开风路针者盖喉风都是风邪按穴针刺开其风壅之路使之外出也）三吹冰硼散。四用紫地汤如病势紧急汤水不能下。遍身作痛。气喘眠卧不得。循屋下行。胸前赤肿。凡吐痰涎后仍不退者。百无一治。

每初起胸前便现青筋须用破皮针。（即铍针也）针青筋边。立效。

枢扶氏曰。是症宜用雄黄解毒丸。服之。吹赤麟散。

卷上 喉风三十六症

叉喉风

叉喉之症最为殃迟了三时命不长。病者能根据方法治。管教依旧进茶汤。

男子妇人喉内生此疾者。极为急症。先咽喉作紧。风痰上涌多有绵涎内紧外浮肿不能饮食渐至咽喉紧闭。如叉叉住。甚则头面浮大其患最速。宜急治之。若一二日不知治者多致殒命先用冰硼散开窍。次用风路针三用摩风膏少许和角药调噙。取喉内痰涎并用角药敷颈外浮肿处。服紫正散加开关散如病势已极。不能开关者。不治。

按此症既速凡初起当用赤麟散吹之。其效更捷。

卷上 喉风三十六症

咽疮风

咽喉此症不为良黄烂成疮作祸殃。根据法频施无效处。必然长梦入黄粱。

初起生咽喉间。或红黄色如粟形者日久满喉成疮。及满口生者。渐变紫黑不能吞咽。先用角药次开风路针。服紫地散以冰硼散吹之。即效惟风热实症可治。若内伤咳嗽吐血后而发此症者。切不可用此等药致枉人命也。

枢扶氏曰。按咽疮一症虽曰真阴亏竭相火熏灼上升咽喉发为咽疮。最为虚损恶症。然其间虚实阴阳。亦当分别治之凡属实症。由于风热者。必须发热恶寒。疮色红黄。右脉浮数有力因病患平昔过食煎炙蕴积于胸膈。今又新受风邪。感触而发。治宜以喉科诸药投之。自然获效。若虚症。形色白而干燥不润内热口渴饮食微少疼。惟咽津液其痛更甚。此由真阴已亏。虚损所致。然内伤有二种。一属气亏 为阳虚。一属血亏为阴虚。阳虚者。两寸浮数遇劳益甚而行。动则气喘此脾肺气虚穷及肾水。须培补中土。庶无差误今时医不识。以清凉利痰之剂治之。遂致喉间变生咽疮。顿成不治之症。若阴虚者。两尺洪数。重按无力现于外者。内热咳嗽吐痰衄血。或饮食日减。此肝肾阴虚不能蓄养龙雷真火盖阴虚则火旺。火旺则水竭。水竭则肾元枯涸。肾元枯涸则相火奔腾而浮上斯喉痹咽疮。痰结烦燥声哑之症作矣俗曰火烧灶门是也。其时若以六味补水真水不能骤生。以生脉保肺而久炎之肺又非参麦能疗。以八味降火。而咽喉之地

难受桂附之性。以滋肾丸互治水火。而水火不能既济。惟急用甘露饮治之。使水火各安其位。

得以浚其源而安其流。能导龙归海使五行自有相生之象然后再按脉察色。分别治之。或八味六味或归脾养荣诸方佐之。自然获奏神效称为灵丹。然患者亦当早治勿待病入膏肓。虽有神丹。亦无济也。

卷上 喉风三十六症

鱼鳞风

喉间忽尔患鱼鳞。多少医家不识真。此症若求痊愈易。只须针药贵于频。

此症生在帝中之下与松子风相似但微肿处起白点。日久白点变成鳞。其鳞向下者是用冰硼散。赤鳞散开风路针服紫地汤以角药加摩风膏调噙。不可用刀。此症极险难治。治与双松子同。初起未成鳞易治。若已成鳞。则饮食到喉俱作呕恶。乃属不治。或内伤咳嗽而发斯症者。万无一治。○如大便秘结不通。汤中须加犀角木通元明粉。以角药冰硼散赤鳞散。相间吹噙勿断。用鹅毛多挑角药入帝中旁含少顷再绞取痰涎吐出。自然获效。

图

卷上 喉风三十六症

双松子风

松子风生喉靥中。逐时胀大起鳞红。莫言此症多遭险。随即疗施亦见功。

此症生靠帝中下边初起两边红紫如粟形大。逐时肿胀。起鳞向上者是。渐长如绿豆大。似松子一样。甚至黄皮裹住及有莲子大者。斯难治矣。先开风路针。服紫地汤。加银锁匙开关散用角药加摩风膏调噙吹冰硼散。治与鱼鳞风同。二三日若转红为黄。就怕起鳞须以角药频噙勿离。根据法治之。亦不可用刀此症与鱼鳞风皆属险症勿得轻视也。

卷上 喉风三十六症

单松子风

单名松子一边生左属心兮右肺金针药交施根据法治自然奇效立消平。

此症生在帝中下一边肿者是或生左或生右。亦不可用刀治法。与双松子同。惟生左者。汤中倍加丹皮赤芍。右者倍用桔梗连翘。

卷上 喉风三十六症

帝中风

时人忽患帝中风角药频噙自见功。若遇庸工无识辈。针刀误用命随终。

初起红肿作痛。生痰不能饮食日久渐长大出来。甚有长出寸许。拦腰烂去半截或帝中全行烂去者。虽一时难治。

仍为无害只根据法治之。亦见奇效。若初起先以角药取痰开风路针吹冰硼

散。服紫地汤不可用刀。如日久帝中黑烂者。

回生丹不宜用。当以真功丹去牙硝吹之。或口疳散。圣功丹皆可互用。至于水剂。又当以紫地加减出入投治。不可执拘呆方也。

卷上 喉风三十六症

双鹅风

乳鹅红肿在喉间。病者求痊亦不难。角药频施兼服剂。自然取效莫愁烦。

凡咽间红肿似疔毒两枚。而生在两边者。是为双鹅。切勿误用刀。先以摩风膏少许入角药井水调噙。又以鹅翎挑入喉间疔毒上令病患闭目噙良久。俟满口痰来吐出。再吹赤麟散服紫地汤。自然立效。如日久疔毒未平。仍似莲子样。须用消芦散加巴豆七个去壳熏患处。如熏破后只可用吕雪丹。

枢扶氏曰。喉间诸症惟患双单鹅甚多。症候虽轻易治。却难速于平消。迩来庸医不识。欲求速效。每妄用针刀。

反致枉人命者。亦复不少。今附参而订之。俾后世治者。庶不致有误苍生耳。盖此症由肺经积热。受风邪凝结感时而发。致生咽喉之旁。状如蚕蛾。亦有形若枣栗者。红肿疼痛。不能吞咽。然形有双有单。双者轻。单者重。凡初起先用三棱针刺少商少冲留三呼吸入一分。吹赤麟散。以角药调噙。仍服前药缓缓取效。凡针法以男左女右。若要速效。以捷妙丹吹入鼻中即消。然初起神效若日久者。不外消芦散。

卷上 喉风三十六症

单鹅风

左畔虚阳热上攻。乳蛾单重喉旁风。关前易治疗须急。关后生兮施不同。

此症生在帝中之旁。如莲子样。左属心。右属肺。治法与双蛾同。亦不可用刀。

枢扶氏曰。此症有部位之分。有虚实风热气郁之别。凡生于帝中两边者是。双单蛾属关前实症。为易治。若起于咽喉内者。名喉瘤。属关后气郁虚症。却难治。时医不识。概以鹅症治之。安能获效。然喉瘤。由肝肺二经郁热。

更兼多语损气性躁而成。形如圆眼。红丝相裹。或双或单。生于喉内之旁。亦有顶大蒂小者。初起喉间微痛。不恶寒发热。日久形色带白而微硬。不犯不痛。或因醇酒炙爆。或因怒气喊叫。犯之则痛切。忌用针刀。吹以消瘤碧玉散。宜服加味逍遥散。益气清金汤。或用夏枯草同郁金煎汤代茶服之。日久自然消退。若体虚。因忧郁不舒而发是疾者。宜用归脾汤。加柴胡丹皮山栀。至于出入加减之法。又当神而明之可也。

卷上 喉风三十六症

双燕口风

燕口生在帝中旁欲尝饮食不能飧。针刀善施无差误。功效旋收亦不难。

此症生在帝中两边靠于上 左右俱有。皆红肿不能吞咽。甚至肿出舌上来连舌亦痛。用刀之法。宜靠肿处将刀轻轻刺破。切不可深。若上 中间及燕口形上。切勿将刀误用。先以角药取痰次开风路针。吹回生丹。服紫地汤。

枢扶氏曰。此症初起只须吹赤麟散。胜用角药针刀多多矣。内仍服紫地汤加开关散。火甚。量加石膏。此余屡经收效者也。

卷上 喉风三十六症

单燕口风

单名燕口一边生。治法同前不用更。慎使针刀毋误及。赤麟吹上立奇功。是症。或生左。或生右。亦有肿上舌来不能饮食者。甚则将帝中挤往一边了。治法与双燕口同。

卷上 喉风三十六症

重风

口内生来上 浮。心脾有热积成愁。倘然七窍流脓血。纵遇卢医未必瘳。

此症生在上 靠帝中之上位。红肿不能吞咽。症虽重却可治。以角药调噙。内消为贵。如不得消。直肿到牙床边者可用破皮刀轻切出血。若上 中间乃七孔相连之处。万勿误用刀。宜吹冰硼散。服紫地汤。开风路针。如口耳鼻中有一处出脓血者。即是病延日久。热毒蕴蓄。以致腐穿七窍。此诚不治之症。

枢扶氏曰。重 者。皆由心脾二经积热而成。倘病日久前药治之不效宜用紫雪散治之服黄连解毒汤。即效。

卷上 喉风三十六症

木舌风

口中舌表肿兼红热积心脾发是风。丹散频投根据法治。管教立刻见奇功。

初起舌头红肿不能转动渐至饮食不能迎送。言语不便。可用破皮刀于舌下弦两边无筋处刺之。（筋上不可刺 刺伤立死）先用角药加摩风膏少许。吹冰硼散。服紫地汤。自效。

卷上 喉风三十六症

重舌风

重舌风兮亦不祥。或生左右或中央。专家有诀通元妙。善使针刀割不妨。

凡舌下又生一舌。渐比正舌尤长。以致正舌不能转动。用角药取痰。吹冰硼散。服紫地汤。可用破皮刀须按舌旁边下弦先破一边。如不效。再破一边。

枢扶氏曰。此症无论大人小儿。皆由心脾蕴热循经上冲舌本。遂令舌下血脉胀起如小舌状。故名重舌。用刀之法。先将角药加摩风膏噙久吐出。再将肿患刺破。即吹回生丹或紫雪散并获效。

卷上 喉风三十六症

坐舌莲花风

舌坐莲花六七尖。心家风火转相炎。莫将斯症寻常看。日久缠绵最可嫌。

舌下浮肿多痰涎初生一二瓣渐至五六瓣形似莲花。凡两边尖瓣者可用刀若中间一瓣尖者。切不可用刀。盖人舌下中间俱有一筋。直连上下。乃心之苗。所以切不可用刀者。恐误伤筋。则枉人命匪浅也。先用角药调敷舌下取痰涎。再将冰硼散挑上。服紫地散。重加连翘。症甚者。外用气针自然取效。

枢扶氏曰。莲花证乃蕴热乘风而发于心。舌本属心。又为心之苗。心火上炎。或思虑太过或酒后当风受寒。以致风痰相搏。而成是症也。

卷上 喉风三十六症

合架风

合架风生齿尽头。牙关紧闭病难休。若还不识针刀法。患者如何得便瘳。

此症生在上下牙床两根头勾合之处。起一红核肿痛。牙关紧闭不能开口先用角药调噙。次用破皮刀切红肿处。

吹冰硼散赤麟散可用消芦散熏之。

卷上 喉风三十六症

角架风

风名角架不为嘉肿痛须知药可加。昧却个中真妙诀。任他肘后秘方夸。

是症生上下牙床尽处。根上浮肿。以致闭口不便两齿难合咀嚼艰难。初起生在一边或延生两边者治法同合架风。

可用破皮刀切肿处。即效。

卷上 喉风三十六症

爆骨搜牙风

爆骨搜牙疾势骄声声痛楚费推敲。金针已度根据方法。功效随收心莫焦。

牙匡之上逐齿红肿骨中极痛不可忍者。名为爆骨搜牙。若通牙床上红肿。或在外牙床肿者。或在内牙床红肿。

口内作烧生痰名搜牙风。若有面红肿者。恐成栗房风症。部位虽分内外。法宜同治。先用角药调噙。吹冰硼散。服紫地汤。次以针挑牙缝中有红紫血管者。即要挑断出血。若爆骨搜牙。每齿肿处俱要用破皮针。针出血即效。如症在牙床内者必须肿起牙上。方可用刀。

卷上 喉风三十六症

牙痛风

牙匡生疔是牙痛上下生兮总共同。但用破皮针出血更加角药有奇功。

凡牙匡生疔毒或满匡红肿或一处红肿。先用冰硼散以角药调噙。服紫地汤

。凡牙痛搜牙两症。以牙床高低界为辨。在牙床上高处为搜牙。在牙床下低处为牙痛。此症亦有内外生者。皆可用破皮针。针去脓血自效。

枢扶氏曰。此症由阳明胃热毒所致。初起身发寒热。腮颊浮肿红痛者。当以前法治之。若初起往往有误认牙疼等症。过服寒凉清火之剂。以致坚肿色淡。自破流黄水日久烂至牙根。及延烂咽喉。名曰骨槽风。又名附骨。一名穿珠。法当用二陈汤加阳和丸煎服。或阳和汤消之。倘遇溃者以阳和汤犀黄丸。每日早晚轮服。倘有多骨。以推车散吹入。隔一夜其骨不痛。自行刺出。须俟骨尖退出。摇则内动。方可渐次取下。再吹。次日无骨退出即以生肌散吹入内服保元汤。加肉桂归芎 草宜生自然获效收功。而愈矣。

凡骨槽风首。初起牙骨及腮内疼痛。不肿不红。惟肿连脸骨者。是骨槽风也然齿症不一。有齿 者。是虫蚀齿至龈。由胃经瘀湿风火凝聚而成。齿根胀痛腐烂时出脓血臭汁也。有齿齲者亦以阳明入风热之邪。转齿龈气血。腐烂为脓血臭汁。谓之齿齲。（音拒）亦云风齲有齿历蠹者。由骨髓气不能荣盛。故令齿黑黯谓之历齿。皆由阳明之所致而治法各异。俱详注续集焉。

卷上 喉风三十六症

悬风

牙床浮肿号悬 。外症能疗内症危。烂及咽间妨饮食。蓬莱妙药亦难施。

凡牙匡下浮肿为外悬 。起生牙根内为里悬 。红肿如蜒蚰样。渐次而长。先用角药调噙。吹冰硼散。服紫地汤。初起可用破皮针。日久不宜针。（刺红肿处 出血效 若白烂者不可用针）凡外悬 属善症。易治。生于内属恶症。却难治。稍医差迟。即能伤人。若白烂延至咽喉。及落尽面颊肉者。不治。

卷上 喉风三十六症

夺食风

（即呛食风）

呛食还将夺食名。舌根喉 陡然成。休惊是疾无方法。善使针刀泡立平。

此症或因饮食火物。触动肺胃积热。致陡起斯症。或在喉头上 。及舌根左右生一血泡。或数小泡。即变大胀满不能吞咽气息不能出入急以竹针挑破。咯出紫血即吹赤麟散。或回生丹。其泡若起喉内。不能用针刀挑破。只须气针。针百会前顶后顶三穴。内泡自平。

卷上 喉风三十六症

鱼口风

鱼口生来一片浮。心家有热夜啁啾上冲痰气医当急。莫待深沉始怨尤。

凡上唇生小疮或一二枚者。初起红肿渐至下唇。亦肿及面颊俱浮。若初起红赤发热作痒。痒后起小黄泡切勿用破皮针。如生在上唇中间者难治。若上唇

赤肿直长出者。名龙唇发可针两鼻角。又一症上唇生小白红疮干燥。常欲以舌舐唇上。亦不可针。又一症唇上直痛入骨连颊俱痛不可忍可针鼻角。又一症不浮肿只口眼斜转过一边。名转风此症宜针合谷颊车二穴。以上诸症。先以角药调敷。吹吕雪丹服紫地汤。加犀角。大凡唇皮生疮。初起者。不可以针妄挑破。若误针之。身必潮热。满身骨节疼痛不治。如用针刀必须根据法律。切勿妄任己意施为。至要至要。

卷上 喉风三十六症

驴嘴风

驴嘴风生在下唇。逐时肿大不堪论。更加作痛如刀刺。敷药频施效自神。初起下唇生一红疮。逐时肿大渐至下唇长出。用消芦散熏。服紫地汤。吹冰硼散。可用破皮针。针破即效。针法须认两旁肿处针之。

卷上 喉风三十六症

鱼腮风

鱼腮疾染在腮颐。肿痛难当只自知。传诀与君根据法治。免教迟慢势难支。

是症生在酒腋边。两腮浮赤红肿。为双鱼腮。一边红肿者。为单鱼腮。治法以角药调敷。或用消芦散熏。服紫地汤。噙冰硼散。如逐日红肿极盛。方可用破皮针。针出血。仍以角药外敷。倘症日久腮穿出脓者。须内服蜡矾丸。

外敷生肌散。

卷上 喉风三十六症

双搭颊风

风名搭颊两边浮。赤肿难当筋似抽。若遇此风非易治。值时敷刺莫移游。

初起面颊两边红肿发热恶寒。须看口内牙上有肿无肿。如牙匡肿者。不是搭颊。乃是牙风。即以牙风法治之。

若属搭颊先用角药外敷。服紫地汤重加连翘桔梗牛蒡子。如肿仍不消。宜用破皮针出血。不可针挑深。外仍不离敷药。加摩风膏少许。

卷上 喉风三十六症

单搭颊风

一边红赤颊名单证治如双母用参。日久肿浮牙赤肿。外敷角药内噙丹。

面颊一边浮赤肿痛。或日久致牙匡亦肿痛。须以角药外敷内噙。吹回生丹。服紫地汤。

卷上 喉风三十六症

落架风

落架风兮信不良。总因血气暗中伤。搭勾合上方无事。不合匡时费酌量。

此症或因酒后。或偶大笑或大呵欠致脱落下 不得合架。口大开而不能咀嚼。虽属上热下虚。实由气血有亏。

以致 筋弛而不收。若起于一二日者可治。日久则其筋已纵。恐难安合矣。治用上兜之法先将下 轻轻托上。用绸手巾兜住。然后以手揣其搭勾之处。令其勾合。再用老姜一片。置颊车左右穴上。以艾丸置姜上用香点灸一再。即可断根。

枢扶氏曰。此症由内伤所致。宜灸不宜针。当服归脾汤。加熟地。气血虚者。或当归补血汤主之。切勿以喉风诸药妄投。致误人匪浅也。

卷上 喉风三十六症

粟房风

粟米疮形满面淫。或成大泡痛难禁。施针用药根据真法。病者舒眉患不侵。

。

初起发热满面红肿。先如粟米黄疮。日久合成大泡。先用荆芥葱白煎角药频洗。再以角药用荆芥煎水调敷泡上。

服紫地汤。凡初起不可针破。俟合成大泡以针口向下挑出脓血。自效。

卷上 喉风三十六症

瘰风

瘰 风生似核形。又如疔毒一般称。莫疑此症由冤债。妙药能除夙孽平。

是症自面生起红肿如小疔毒。渐至满头俱浮肿生核可用破皮针逐个针出微血敷以角药服紫地汤效。

卷上 喉风三十六症

穿颌风

病生穿颌不为祥。幸赖仙传有秘方角药频敷汤紫地。徐徐图治莫惊惶。

两腮下红肿生核。或在一边初生一二枚者易治日久生多透入口内而自穿者。多至不治以角药敷。服紫地汤。可针。（俟肿甚用铍针刺肿头出血仍敷前药）

卷上 喉风三十六症

肥珠子风

肥株斯疾耳弦生。肿痛方知病不情紫正开关兼急进。频加敷药立时轻。

两耳坠上浮肿如核或一边生者外敷角药服紫地汤。加开关散可用针。针核上即效。

卷上 喉风三十六症

掩颈风

左右俄生掩颈风。分明赤肿似成痈。时人莫作寻常看。紫地辛乌有化工。

颈项上浮肿生痛。或左右。或一边。或浮肿。上头敷角药。服紫地汤。若浮大赤肿甚者。可以针肿处。

卷上 喉风三十六症

双缠风

缠喉之症本非奇日久无声气道危若见此形宜速退仓公遇了亦愁眉。

初起外颈红肿至咽喉。亦皆满塞不分红白渐四围俱肿。先以辛乌散。加摩风膏内噙外敷。吹赤麟散。回生丹。

服紫地汤加开关散。若颈项遍肿及头亦肿者属极重症却可治须开风路针。如症日久难治。切勿用破皮针刀。

枢扶氏曰。此症由膏粱浓味太过。致肺胃积热。复受风邪上壅咽喉。红肿紧痛声音难出。汤水不下。而痰涎壅塞之声。颇以拽锯初发暴速。宜急针少商穴。以泻其热痰盛者。角药调噙。症重者。宜服雄黄解毒丸。若面青唇黑鼻流冷涕者。皆属逆症。又有因肾经有热内枯不能上润。致令心火盛而发是症者。内紧外肿。潮热恶寒。乃属实症法宜前治若体虚因思虑太过。兼过食五辛而生似此症者。其发缓。其色淡。其肿微。咽喉干燥。舌见白胎。大便自利。六脉微浮。重按无力。吞咽疼痛。名曰慢喉风。乃属虚症。法当从治。若午前痛者。宜补中益气汤加麦冬元参桔梗服之。午后痛者。或作渴身热足冷。此阴阳两虚也。忌用苦寒宜少阴甘桔汤。以宣达之。若面赤咽干不渴。而微塞痛者。其脉必虚大。当以清露饮服之。兼用青雪丹吹之。自然获验。

卷上 喉风三十六症

单缠风

一边浮肿证缠单。或起头心或颈间。治法详前须识别。针开风路自绥安。

初起一边红肿作痛左属心。右属肺。或肿头项或肿颈上治同双缠风。

卷上 喉风三十六症

边头风

半边头痛苦无休病者何须两泪流风药不灵宜补剂管教肿痛去靡忧。

此症一边头痛如破。或左右红肿如核。须针风池二穴。服紫地散。加开关散。惟下元虚者。多致此疾。宜投补剂。以四物汤。加白芷服之。（虚症不可刺）

枢扶氏曰。凡头痛如破。前药罔效者。以当归五钱木通二钱。酒煎服下。即愈。

卷上 喉风三十六症

乘枕风

乘枕风兮本不奇。若成枕发却难医。只须急急调敷药。紫地开关服勿离。

是症脑后生疔毒红浮肿痛。可用破皮针。服紫地汤。合开关散。取效如神。

卷上 喉风三十六症

耳防风（附）

耳内红浮痛倍常。或脓或血不安康。少年若是沾斯疾。定主他年重患殃。

此症耳内肿痛。或耳外亦红肿及头亦痛。或耳内出脓血。若肿痛甚者。至口齿紧闭不能开小便赤短。宜用紫地汤。加龙胆草木通。外敷角药。吹入五行丹。即效。

枢扶氏曰。以上三十六症妙以一方统治之。无不神验。故宜其秘也后之学人务须辨症详审毋致虚实有差。庶不稍误于万一耳。

卷上

秘诀

喉风诸症初起。必作寒发热头痛。大便秘结小便赤涩。以紫正散地黄散合服。勿离其药。乃气血并治能理气散血。逐风痰。不使邪热壅塞。痰涎甚者。用角药调井水噙口取之。使痰涎外涌。不停蓄于肺胃。兼吹回生丹亦拔热邪外出也。凡患喉症。而误服凉药。致胸膈如坠不安者。以井水调角药噙之。心烦即止。科内所定方药总在拦定风热在上不下。然后随症治之。自获效神速。如修合诸药勿宜见火皆生用之。吹药务研极细。临用合愈妙。水剂宜蒸。

不宜煎。以上皆口诀之秘。须究心焉。

卷上 喉风诸方

紫正散

紫荆皮（二钱） 荆芥穗（八分） 北防风（八分） 北细辛（四分去茇）
地黄散（一名内消散） 小生地（二钱） 京赤芍（八分） 苏薄荷（六分） 牡丹皮（八分） 牙桔梗（八分） 生甘草（六分） 净茜草（一钱又名地苏木）
上引加灯心二十节。红内消一钱。（即茜草藤五月五日采取阴干）以上紫地二散。每症合用。

勿离用开水泡药蒸服。孕妇。去丹皮加四物汤。热盛者加连翘犀角。头痛闭塞。加开关散。烦渴。加银锁匙。潮热者。加柴胡黄芩。咳嗽。加麦冬知母。大便秘结。小便赤涩者加木通。数日不大便者。加元明粉。热壅肺闭致气喘促者。加麻黄五分。先滚去沫再入药内同蒸。

痰稠。加贝母。阴虚者。合四物汤。

卷上 喉风诸方

开关散

能清诸风止头目痛。

抚川芎（一钱） 杭白芷（八分）

卷上 喉风诸方

银锁匙

能止烦渴退口烧。

天花粉（八分） 元参（一钱）

卷上 喉风诸方

四物汤

生地（三钱） 当归（二钱） 川芎（八分） 白芍（八分 酒炒）

卷上 喉风诸方

镇惊丸

（一名四神散） 凡喉症已平兼服此丸。

山药（四两） 桔梗（二两） 梔炭（二两） 甘草（一两） 上气者加广陈皮（一两）

上为细末。米糊为丸如莲子大。朱砂为衣每服一丸。

薄荷灯心汤化下。

卷上 喉风诸方

辛乌散

（一名角药）

赤芍梢（一两） 草乌（一两） 桔梗（五钱） 荆芥穗（五钱） 甘草（五钱） 柴胡（三钱） 赤小豆（六钱） 连翘（五钱） 细辛（五钱） 紫荆皮（一两） 皂角（五钱） 小生地（五钱）

上诸药味不宜见火置日中晒燥。其为细末。收入瓷瓶。勿令走气。临用以令水调噙口内取风痰如神。若痰涎极盛。加摩风膏浓汁四五匙。其力愈速。凡颈项及口外红肿。即以角药敷之。亦可用角药作洗药。以荆芥同煎水频频洗之。洗后仍调角药敷上。若悬 风。加南星末少许。

卷上 喉风诸方

摩风膏

川乌尖（即大川附子之尖每用尖一个以乳钵底浓磨汁入角药） 灯心灰（五分）

卷上 喉风诸方

回生丹

（即冰硼散） 治一切喉证。有奇功。

大梅片（六厘） 麝香（四厘） 硼砂（一钱） 提牙硝（三分用萝卜同煮透再搥入清水内露一夜沉结成马牙者佳）

共研极细末以洁净为妙。入瓷瓶封固。临用挑少许吹患处。开关后次日并体虚头晕者。即宜去麝香。（名品雪丹） 毒肿渐平。并用刀破后者再去牙硝。（麝硝双去者名吕雪丹） 加青黛（名青雪丹）

卷上 喉风诸方

真功丹

凡孕妇患喉症者宜用此。

大冰片（一分） 真熊胆（一钱阴干临用乳细末） 芦甘石（一钱 用羌活煎汤 七次飞去脚晒干用） 硼砂（一钱） 牙硝（二分）

共乳极细末吹患处。毒肿渐平。去硝。刀破后须用吕雪丹。

卷上 喉风诸方

消芦散

此方因患者畏刀以此熏破虽易见效。不能速于收功。

茜草（一两） 金毛狗脊（五钱） 唐蜜根（一两 即紫荆皮根） 芦根（二两去皮）

上用米醋同药贮小罐内以浓纸封口极固放水中煮好口上开一小孔如箸头大。对肿处熏若一时未破。加巴豆七粒去壳同入煮再熏神妙（若破后不能速于收功吹生肌散）

卷上 喉风诸方

万益丹

凡刀误用致血流不止。以此吹上血即止。

滴乳香（一两 去尽油） 没药（一两 去尽油） 真血竭（一两） 明硼砂（一两）

研极细末。每用少许。吹入刀患处效。

卷上 喉风诸方

生肌散

赤石脂（一两水飞数次再用） 乳香（一两 去尽油） 没药（三钱 去尽油） 轻粉（二钱五分） 硼砂（二钱五分） 龙骨（一两火 红淬入米醋久半两） 孩儿茶（二钱五分） 大梅片（三分）

研极细末。每于患处。略有少许。

凡病愈之后。以六味地黄汤。去山萸加麦冬沙参调之。

枢扶氏曰。以上皆原书秘方也。今广搜诸名家奇方于后。以补是科之不足焉。

卷上 喉风诸方

消瘤碧玉散

专治喉瘤郁热之症。

硼砂（三钱） 冰片（三分） 胆矾（四分）

共研极细末。用时以箸头蘸药。点患处。自效。

卷上 喉风诸方

紫雪散

治一切咽喉肿痛及重舌重 舌疔等症。

犀角尖（一两） 石膏（一两） 升麻（八钱） 羚羊角（一两） 元参（二两） 甘草（八钱） 寒水石（一两） 沉香（五钱锉末） 木香（五钱）

用水五碗。煎药至约剩一碗。将渣用绢滤去。再将汤煎滚。投提净朴硝三两六钱。文火漫煎。俟水气将尽欲凝结之时倾入洁净碗内。加下朱砂三钱。大梅片一钱。金箔一百张。各预研细和匀。将药碗安入冷水盆中。候冷。凝如雪。俟干。再研细。收固。凡大人每用一钱。小儿二分。十岁者五分。徐徐咽之。即效。或用灯心汤化服亦可。

若咽喉肿痛等症。吹之亦效。

卷上 喉风诸方

蜡矾丸

治喉风穿腮出脓者。

黄蜡（一两） 枯矾（五钱） 乳香（一钱五分去尽油） 没药（一钱五分去尽油）

后三味共为细末。即用黄蜡为丸每服二钱开水送下。

卷上 喉风诸方

捷妙丹

治双单蛾风神方。

牙皂角（一两切碎） 丝瓜子（一两二钱）

二味。用新瓦文火炙干为细末加冰片少许收固每吹入鼻中打喷一二次即消在左吹右。在右吹左双蛾者。左右并吹。

卷上 喉风诸方

严氏赤麟散

治一切喉痹缠喉双单蛾叉喉恶证吹之立吐痰涎实时获效可代针刀真神丹也只喉癰咽疮虚症勿用。

真血竭（五钱） 巴豆（七粒去壳） 明矾（一两）

上三味打碎同入新砂锅。炼至矾枯为度。每两加大梅片三分。硼砂二钱共研极细收固用时以冷茶漱口。吹患处立效。枢扶氏曰此环山方。岫云山人家藏秘方也治喉风诸证实有奇功。余经验屡屡。其效不可胜言。

卷上 喉风诸方

雄黄解毒丸

治一切急喉痹极危症。

明雄黄（一两） 川郁金（一两） 巴豆（十四粒，去壳并去尽油）

共研细醋煮面糊为丸。如绿豆大。每服七丸清茶送下。吐去痰涎立效如至死者心头犹热灌药不下即以铁匙挖开口灌之。若得下咽无有不活。如小儿惊热痰涎壅塞。或二丸三丸。量大小加减服之。亦神效。

卷上 喉风诸方

万应丹

治一切咽喉口舌肿闭并穿腮腐臭延烂等症。其验甚速。真神方也。

建青黛（水飞去渣晒干五钱） 鸡肫皮（洗炙干，一钱） 牛胆硝（三钱）
山梔仁（拣净仁炒黑碾细末三钱）

黄连末（三钱） 生黄芩（三钱） 真熊胆（一钱） 人中白（取经霜压多年者火 三次五钱） 大红绒灰（一钱）

西牛黄（一钱） 雄黄（一钱） 青梅干（存性五钱临时加才妙） 硼砂（三钱） 枯矾（二钱） 儿茶（三钱）

铜青（二钱） 珍珠（一分）

以上各研极细末和匀。加真麝香五分。大梅片七分。再研和匀。入瓷罐内以乌金纸塞紧口。每用少许吹患处。

日夜徐徐吹之。流出痰涎渐愈。如有腐臭。急用蚌水洗净。或用猪牙草匾柏子和捣。加水去渣洗净。再以前药去青梅干。加滴乳香去油二钱。吹用。

制青梅法

大青梅一斤去核。略捣碎入白矾食盐各五钱。拌和再加蜒蛭。不拘多少。层层间之。一日夜取梅晒干。收尽汁再晒干。灰存性。临用加入。

制胆硝法

冬月约入朴硝在黑牛胆内。挂在风前一百二十日。去皮用硝。此乃第一应验神方也。

卷上 喉风诸方

青冰散

专治喉闭双单蛾有奇功。

胆矾（二钱） 硼砂（二钱）

共研末。取青鱼胆一个。将药末入胆内。阴干去皮。再研极细。加冰片二分。收固。每遇喉闭。双单蛾等症。

以男左女右。吹入鼻中。自效。

卷上 喉风诸方

火刺仙方

治一切喉痹缠喉胀满气塞不通。命在顷刻者。须急用之。

法用巴豆油涂纸上。捻作条子。火上点着烟起即吹灭。令病患张口急刺于喉间。俄然吐出紫血。实时气宽能言及啖粥饮。再用药随治之。便立愈矣。夫咽喉诸疾。发于六腑者。如引手可探及刺破或前诸方治之。即效。若发于五脏者。则受毒牢深。而手法药力难到。惟用油纸捻刺。乃为第一也。盖热则宣通故以火治之。火气热处。使巴油皆到又以火散结以巴泻热邪。以烟吐出痰涎。此一举三善之捷法也。

卷上 喉风诸方

碧雪散

治咽喉闭塞。痰涎壅盛。

灯心灰（二钱） 硼砂（一钱）

上为细末。每用少许。吹入喉中。即吐出痰涎自效。

卷上 喉风诸方

碧玉丹

治喉风急闭等症。

胆矾（三钱） 白僵蚕（六钱炒去丝嘴拣直者佳）

上为细末。加麝香一分，每用少许。吹喉中立验。

卷上 喉风诸方

绛雪

治咽喉肿痛。咽物妨碍。及喉痹口舌生疮等症。

寒水石（二钱） 蓬砂（一钱） 辰砂（三钱） 大梅片（三分） 孩儿茶（二钱）

为极细末。每用一字。掺于舌上。津液咽之。或吹患处。真妙方也。

卷上 喉风诸方

金锁匙

治喉闭缠喉风。痰涎壅塞口噤不开。汤水难下等症。

焰硝（一两五钱） 硼砂（五钱） 片脑（三分） 雄黄（二钱） 白僵蚕（一钱）

各另研细末。再和匀收固。每吹少许。入患处痰涎即出。

卷上 喉风诸方

推车散

专治牙痛骨槽风生多骨者吹入神效。

取推车虫（即羌螂）炙研极细末每一钱加入干姜末五分。同乳细收固。每用少许。吹入患处孔内。若孔内有骨。次日不痛。而骨自出。凡吹过周时。而无骨出者。则知内无多骨也。

卷上 喉风诸方

刻欢丹

（又名过街笑） 专治风火虫牙疼痛无不神效蟾酥（一钱陈酒化透） 五灵脂（一钱） 麝香（八分）

共研极细末。和捣为丸。以二百粒为则。即用新零绸包以丝线扎固。再藏瓷瓶内。每取一丸。咬噙于痛牙缝中。

俟丸化。即痊愈。

卷上 喉风诸方

灵丹

专治一切牙痛。无不立验。此不易得之方也。

防风 北细辛 黄芩 石膏 元参 羌活 荆芥 小生地 连翘 黄柏 甘草 白芷 白菊花 梔仁 川芎 百部 薄荷（以上各二钱五分） 真黄连（三钱）

上药。共为粗末。置大铜锅内。外用甘草五钱。煎水一大碗。将药拌匀。再取潮脑三两。研碎分作五七次。用洒药上。再以大碗盖住药上又用石膏和灰面盐水调匀。密糊碗口不可泄气。煮长香一炷方可起下。将上升在碗的灵丹。用竹刀刮下。仍将渣用甘草水拌匀。复洒潮脑于上。如此升取五七次。候药性升尽为度。再以瓷瓶收固。凡牙疼擦上。立止如神。

卷上 症治汤头备忘录

秘授甘露饮

治真阴亏竭火炎灼肺。虚损失血内热发为咽疮喉痹等症。

取童便半酒坛。要坛口大者。先用铁丝做四股络子悬饭碗一个于坛内。约离童便三寸许。再用铅打成帽笠式倒置坛口上。四围用盐泥封固。外加皮纸数层糊密勿令泄气再用砖搭成炉式将坛放上用桑柴文武火炼烧一炷香。去火候温。再将铅笠轻轻取起。勿令泥灰落下。则坛中所悬碗内。自有清香童便露一碗。取出另倾茶碗内。与病者服下。

每日早晚共服二钟。自有神效。取童便须择无病无疮疖者。五六人。每早烹好松萝茶一大壶。令各童饮下。俟便出时去头去尾不用。取中间者。以坛盛之。此环山方子岫云秘传之仙方也。识者珍之。

铅笠式 坛式

卷上 症治汤头备忘录

清露饮

治咽干塞疼。脉虚大者。

天冬（一钱去心） 麦冬（一钱去心） 生地（一钱） 熟地（二钱） 钗斛（八分） 桔梗（八分） 枳壳（八分麸炒） 甘草（六分）

上加枇杷叶一片。（密炙刷去毛） 水二钟。煎八分。食后服。

卷上 症治汤头备录

少阴甘桔汤

治慢喉风症。

元参（八分） 桔梗（八分） 川芎（四分） 柴胡（五分） 广皮（六分） 甘草（六分） 黄芩（三分）

升麻（二分）

加葱白一根。为引。水煎服。

卷上 症治汤头备录

黄连解毒汤

治重 等症。

黄连 黄柏 黄芩 生栀子（各一钱五分） 水煎服。

卷上 症治汤头备录

益气清金汤

专治喉瘤之症。

人参（二钱） 茯苓（一钱） 桔梗（三钱） 黄芩（二钱） 麦冬（钱半） 陈皮（一钱） 梔仁（一钱）

薄荷（一钱） 甘草（一钱） 紫苏（五分） 牛蒡子（钱半炒） 川贝母（二钱去心） 加淡竹叶三十片。水煎温服。

卷上 症治汤头备录

逍遥散

治肝家血虚火旺头痛目眩。颊赤口苦倦怠烦渴。抑郁不乐。咽喉干痛无形妇人经水不调。脉弦大而虚。

柴胡（一钱） 当归（一钱） 白芍（一钱） 甘草（五分） 白术（一钱） 茯苓（一钱）

上水二钟。加煨姜一片。薄荷五分。煎八分。食远。温服。薛立斋。加丹皮（一钱） 黑山梔（一钱）

卷上 症治汤头备录

二陈汤

治湿痰为患及骨槽风等症。

陈半夏（三钱九制者佳） 广陈皮（三钱去净白） 白茯苓（二钱） 生甘草

（一钱）

上加白芥子二钱。炒研。引用生姜三片。水煎服。

卷上 症治汤头备录

阳和汤

专治骨槽风。

大熟地（一两） 鹿角胶（三钱石膏隔水顿冲服） 上肉桂（一钱） 白芥子（二钱炒研末） 生甘草（一钱）

姜炭（五分，即炮姜） 麻黄（五分）

麻黄得熟地不发表。熟地有麻黄不腻膈神用在斯。水三钟煎至五分。食远服。

卷上 症治汤头备录

阳和丸

专治骨槽风症。

上交桂（一两） 黑炮姜（五钱） 麻黄（三钱）共研细末。炼蜜为丸。每服须加前二陈汤同煎。为妙。本方勿增减出入。

卷上 症治汤头备录

犀黄丸

治一切骨槽风。并患乳岩瘰。痰核横。肺痈小肠痈流注等症。

犀黄（三分） 乳香（一两灯心炒去油） 没药（一两制同上） 真麝香（钱半）

共研细末。取粟米饭一两。捣为丸。如绿豆大。晒干忌烘。每服三钱。热陈酒送下饮醉盖被取汗出醒后痈消而痛自息矣。

卷上

附走马牙疳证

症以走马名者。言其疾速。失治即殒故也。盖齿属肾。与胃相通。肾主一身之元气。凡受积热火毒。疳气即奔上焦。或干麻痘之后。及伤寒杂症热病而成。或因平昔过服助阳热药。并饮毒所中。凡初起口气甚臭。名臭息。次第齿黑。名崩砂。盛则龈烂。名溃槽。热血迸出。名宣露。极甚者。牙脱落。名腐根。既脱齿不复回生矣。可见此症。贵乎速治也。

凡牙疳初起。黑烂腐臭出血者。宜服芦荟消疳饮。若脾胃虚者。宜兼服人参茯苓粥。吹以神功丹。若痘疹后余毒所中者。宜服清疳解毒汤。外势轻者。俱用人中白散擦之若坚硬青紫渐腐穿腮齿摇动者。宜芦荟散擦之。凡牙疳见红血流者。吉。如顽肉不脱。腐肉渐开掀肿。外散臭气。身热不退俱属不治。

又牙疳五不治症。齿落无血者。不治。腮崩唇破者。不治。黑腐不脱者。

不治。臭气异常者。不治。服药不效者。不治。

卷上 附走马牙疳证

芦荟消疳饮

芦荟（五分生） 牛蒡子（五分炒研） 元参（五分） 桔梗（六分） 川黄连（八分） 薄荷（六分） 梔仁（五分） 生甘草（四分） 升麻（二分） 石膏（三钱） 羚羊角（一钱另磨） 银柴胡（五分）

加淡竹叶五片为引。水二钟煎至六分。食远服症重者分两加一倍。

卷上 附走马牙疳证

人参茯苓粥

人参（一钱） 白云苓（六钱）

共研末同粳米一茶钟熬成粥先以盐汤将口漱净。再食粥。

卷上 附走马牙疳证

清疳解毒汤

人中黄（五分） 川黄连（六分） 元参（六分） 牛蒡子（一钱） 北柴胡（五分） 防风（五分） 生石膏（二钱） 犀角（一钱另磨并服） 知母（八分） 生甘草（三分） 连翘（八分去心） 荆芥（八分） 淡竹叶（一钱） 加灯心五十寸。水二钟。煎服。若呕吐。加芦根五钱。

卷上 附走马牙疳证

神功丹

专治一切牙疳。有神效。

人中白（二两） 黄柏（六钱） 青黛（六钱水飞） 薄荷叶（六钱） 儿茶（一两） 冰片（六分）

为极细末日用七八次。涎外流不止者。吉。若无涎则毒瓦斯内攻。即属不治之症。

每以韭菜根煎水。频漱。

炼人中白法

取多年溺壶内底上所起者为最其次即妇人溺桶内所起者。亦可。无论多寡。总取大块。放瓷盆内。置屋上。任其霜压雨淋风吹日炙。如此一二年。或多年更妙。取下放新瓦上。以炭火炼红烟尽为度。再研细收贮候用。愈陈愈妙。

卷上 附走马牙疳证

人中白散

（一名异功散）

白霜梅（二钱） 人中白（五钱火） 枯白矾（二钱） 大梅片（二分） 共研细末。先用韭根萝卜茶煎浓汁。

乘热以鸡翎蘸洗患处。去净腐肉见鲜血。再敷此药。若烂至咽喉者。以芦筒吹之。

卷上 附走马牙疳证

戍骨丹

治走马牙疳。并痘后牙疳取白色狗屎。于长流水中淘出白骨。漂极净。瓦上炙黄。研极细。入麝香少许。擦疳上数次愈。

卷上 附走马牙疳证

芦荟散

芦荟（二钱） 黄柏（五钱） 白人言（五分，用红枣五枚去核每枣纳人人言一分火烧存性） 共研细末。先用米泔水漱净疳毒。再敷齿患处效。

卷上 附走马牙疳证

独胜丹

治一切牙疳穿腮破唇实有奇效。

取白茄蒂。不拘多少。阴干。瓦上炙燥。为细末。加冰片少许。收固每吹患处。即愈。

卷上 附走马牙疳证

紫花散

治小儿口疳神验。

甘蔗皮烧灰研末。加冰片一字。掺之。

卷上 附走马牙疳证

赤霜散

专治走马牙疳。延烂穿腮不堪。危险之症。

用红枣一枚去核。入红砒如黄豆大一粒。扎好放瓦上炙至枣上起白烟。俟烟尽取下盖熄候冷。加冰片一字。研极细。吹患处。效速如神。若久烂之孔。亦能生肌捷速也。

卷上 附走马牙疳证

圣功丹

治一切牙疳。有奇效。

硼砂（五分） 蒲黄（一分） 人中白（二分） 马勃（一分） 儿茶（一分） 甘草节（八厘） 僵蚕（五厘） 冰片（五厘） 麝香（四厘） 上为细末。收固。水漱口净吹之。数次即愈。此方出于岫云山人。而其功效过于神功丹。人中白散诸方。若疳重加青黛黄柏等分。

卷上 附走马牙疳证

保元丹

凡牙疳久不愈者。吹之。无不神验。

取稻草不拘多少密扎成把。候冬至日放露天粪缸内至春分取起。于长流水中洗净污秽。置屋上。任日炽雨淋雪压。愈陈愈妙。再将草烧成黑灰。研末。每两加冰片三分和乳极细。吹患处。立效。枢扶氏曰。以上牙疳诸方乃广搜各名家要义。及友人秘授者。皆经应验之方也后之治者。认症勿差。用药勿错。安有不效。至于临症变通。又存乎其人耳。

卷上

梅涧医语

（论喉间发白症）

喉间发白之症。予经历十余俱已收功。此症属少阴一经。热邪伏其间。盗其肺金之母气。故喉间起白。缘少阴之脉循喉咙系舌本。治法必以紫正地黄汤为主，方除紫荆皮茜草二味。此二药开结破肝血之燥热。今喉间之白。因邪伏于少阴肾经蓄久而发。肝失水养。非喉本症。风热结于血分可比。故此二药最不相宜用之。复伤其阴。而白反弥漫不解。只用紫正汤。微加细辛清解少阴之邪。初服一二剂。其白不增不减。略转微黄色。十有九治。若服药后。

白反蔓延呛喉。是邪伏肾经。肾阴已伤。元气无从送邪。即不治矣。此症服药。大便解出结粪。地道通。而肺气行。

邪从大便出。其白即转黄色。七日后愈矣。可知邪伏少阴。盗其母气。非臆度也。

卷上

又论喉间发白治法及所忌诸药

喉间起白如腐一症。其害甚速。乾隆四十年前无是症即有亦少。自二十年来患此者甚多。惟小儿尤甚。且多传染。一经误治。遂至不救。虽属疫气为患。究医者之过也。按白腐一证。即所谓白缠喉是也。诸书皆未论及。惟医学心悟言之。至于论治之法。亦未详备。缘此症发于肺肾。凡本质不足者。或遇燥气流行。或多食辛热之物。感触而发。初起者发热。或不发热鼻干唇燥或咳或不咳。鼻通者轻。鼻塞者重。音声清亮气息调匀易治。若音哑气急即属不治。近有好奇之辈。一遇此症。即用象牙片动手于喉中。妄刮其白。益伤其喉。更速其死。岂不哀哉。余与既均三弟疗治以来。未尝误及一人。生者甚众。经治之法。不外肺肾。总要养阴清肺。兼辛凉而散为主。

卷上 又论喉间发白治法及所忌诸药

养阴清肺汤

大生地（二钱） 麦冬（一钱二分） 生甘草（五分） 元参（钱半） 贝母（八分去心） 丹皮（八分） 薄荷（五分） 炒白芍（八分） 不用引质虚。加

大熟地。或生熟地并用。热甚。加连翘。去白芍。燥甚。加天冬茯苓。

如有内热及发热。不必投表药。照方服去。其热自除。吹药方。

青果炭（二钱） 黄柏（一钱） 川贝母（一钱） 冰片（五分） 儿茶（一钱） 薄荷叶（一钱） 凤凰衣（五分）

各研细末。再入乳钵内和匀。加冰片乳细。

喉间起白所切忌药味。

麻黄（误用咽哑不可救） 桑白皮（肺已虚不宜泻） 紫荆皮（破血不可用） 防风（不可用） 杏仁（苦降更不宜） 牛蒡子（能通十二经不可用） 山豆根（不可用） 黄芩（过清凉） 射干（妄用即哑） 花粉（不可用） 羌活（过发表切不可用） 桔梗（肺虚不宜升） 荆芥（不可用）

卷上

咽喉诸症禁忌

凡咽喉诸症。切不可发表。虚症不宜破血。

卷上 暂受风寒喉痛治法

清解汤

防风（八分） 桔梗（六分） 牛蒡子（八分） 甘草（五分） 秦艽（一钱） 川芎（五分） 薄荷（五分）

枳壳（八分） 当归（一钱）

引加葱白二寸宜停荤腥。

卷下

喉风针诀

喉风诸症。皆由肺胃脏腑深受风邪。郁热风火相抟。致气血闭涩。凝滞不能流行。而风痰得以上攻。结成种种热毒。故宜以针法开导经络。使气血通利。风痰自解。热邪外出。兼有诸药奇方。层层调治其症。安有不效。针曰气针。诚为诸药之先锋。乃喉风之妙诀。功效可胜言哉。凡临诸症先从少商。少冲。合谷。以男左女右。各根据针法刺之。若病重者。再从囟会。前顶。百会。后顶。风府。颊车。风池。诸穴针之。留肩井。尺泽。曲泽。小海。少海。

商阳。中冲。照海足三里。隐白。诸穴。看病势轻重用之。不可一时针尽。如遇喉风极重之症。方可周身用针。开通周身经络。使风热结邪得杀其势。而气血遂能流利营运。佐以奇药内治。自无不神效。若针路无血。乃风热壅塞。

。

则受郁邪日深。最为险症。多致不救。是科临症。每于针下便能判定吉凶。有心究此。宜细思详察焉。

卷下

附纂神应经用针咒法

咒曰。天灵节荣。愿保长生。太玄之一。守其真形。五脏神君。各保安宁。针一下。万毒潜形。急急如令敕。

凡针默念咒一遍。吹气在针上。想针如火龙。从病患心腹中出。其病速愈。按针用咒法。非出素问意。但使针时专心于内。不致外驰也。

卷下

论针形至微何能补泻

譬曰如气球焉。方其未有气也则恹塌不堪蹴踢。及从窍吹之。则气满起胖。此虚中则补之之义也。去其窍之所塞。则气从窍出。而球复恹塌矣。此实中则泻之之义也。

卷下

针法主治歌

火针主刺周身病。淫邪溢于肌体中。为风为水关节痹。关节一利大气通。火针者。即古人之燔针也。凡周身之淫邪。或风或水溢于肌体。留而不能过于关节。壅滞为病者。以此刺之。使关节利大气通。则淫邪壅于经络风虚肿毒。伤于肌体者。皆可去也。

卷下 行针次第法十二歌

一取穴歌

取穴先将爪切深。须教毋外慕其心。令他荣卫无伤碍。医者方堪入妙针。

凡下针用左手大指甲重切。所针之穴。令气血开。教病者心专于内。不要外驰。然后下针。使针不伤荣卫。方堪入妙。

卷下 行针次第法十二歌

二持针歌

持针之士要心雄。手如握虎莫放松。欲识机关三部奥。须将此理再推穷。

凡下针之时。须心小力雄。以右手持气针于穴上。势若握虎。不敢放松。着力漫旋。插直至应止之处。吸气三口。然后方提针徐徐而出。凡机关三才奥理。欲先识于心。而行于针者。须将此再三推究可也。

卷下 行针次第法十二歌

三温针歌

温针之理最为良。口内温和审穴方。毋令冷热相争转。荣卫宣通始安详。

凡下针必先将所用之针入于口中。使针尖温热。审定穴所。方可刺下。勿令冷热相争。庶血气调和。而得安详也。

卷下 行针次第法十二歌

四进针歌

进针理法取关机。失经失穴最不宜。阳经取陷阴经脉三思已定针自愈。

凡下针要病患神气定息数匀。医者亦如之关机。最切忌太忙。须细审经络穴所在何部分。不可轻施其针。失于经络穴所也。如在阳部。必取筋骨间陷下之处。则不伤于筋骨。如在阴分之内动脉相应间。则以爪重切经少待片时。方可进针。而不伤于荣卫。又必三思已定。然后下针。病可愈矣。

卷下 行针次第法十二歌

五指循歌

部分经络要指循。只为针头不紧沉。推则行之引则止。调和血气使来临。

凡下针若气不至。用指于所属部分经络之路上下左右推而行之。引而止之往来循之。使血气上下均匀。针下自然气至沉紧。得气即泻之意也。

卷下 行针次第法十二歌

六摄法歌

摄法原因气滞经。大指爪中切莫轻以指持针待气至邪气流行针自轻。

凡摄针者。因针下邪气滞涩不行也随经络上下。用大指爪甲重切之。使正气流行。则邪气不能滞涩。而针下自觉活动矣。

卷下 行针次第法十二歌

七退针歌

退针手法理须知。三才诀内总元机。一部六数三吸气。须臾病痛自然除。

凡退针全在手法三才之内。皆有要诀元机。不可不识。如欲退针。必须缓缓而出自地部。退至人部。再渐退至天部。俱用少阴之六数泻之。每一部六数。须要少停。三部共行三六一十八数。令病患吸气三口。随吸随提。徐徐退至天部。疾病自然愈矣。

卷下 行针次第法十二歌

八搓针歌

搓针泻气最为奇。气至针缠莫就移。浑如搓线悠悠转。急则缠针肉不离。

搓针者凡进退搓捻皆催其气至。以泻邪气也。如觉针下气紧。切勿就移用须以泻法。但微微动转如搓线之状。

若转之太紧。必至肉缠针头。邪气滞涩而不能除矣。

卷下 行针次第法十二歌

九捻针歌

捻针指法不相同。一般在手两般功。内外转移行上下。助正驱邪疾自轻。

凡捻针时。虽一般在手。而指法不同。故功有两般也。如欲治上。则大指向外捻。外捻者。令其气向上也。如欲治下。则大指向内捻。内捻者。令其气至下也。内捻为之补。外捻为之泻。如经络向下者。转针头逆之。则为迎也。

经络向上者。移针头顺之。则为随也。指法得宜。则正气自复。而邪气自退矣。

卷下 行针次第法十二歌

十留针歌

留针取气候沉浮出入徐徐必逗留能令荣卫纵横散。巧妙元机在指头。

留针者凡出针至于天部入针至于地部。须在皮肤肌肉间。徐徐容留令荣卫宣散方可出针入针。若出针太急。则血随针出。反伤荣卫其巧妙元机全在指头之间也。

卷下 行针次第法十二歌

十一摇针歌

摇针三部皆六摇根据次推排在指梢孔穴大开无窒碍邪气退除病自消。

摇针者。如出针三部。欲泻之际。每一部摇二三摇多者不过六摇而已。以指捻针如扶人头摇之之状使孔穴开大无有窒碍。庶邪气退除而病自愈矣。

卷下 行针次第法十二歌

十二拔针歌

拔针之时切莫忙。闭门存神要精详。不沉不紧求针尾。此诀须当韞锦囊。

凡针毕。拔针最要精详。不可轻率忙乱也。如欲出针。须待针下气缓不沉不紧。觉轻动滑快。方以右指捻住针尾以左手大指按其针穴及穴外之皮令针穴门户不开神气内存然后拔针庶不致于出血。此针家要诀。须当韞于锦囊也。

卷下

针略

夫用针者。先明其孔穴。补虚泻实。送坚付濡。以急随缓荣卫常行。勿失其理故为针者。勿离乎心口。如衔索目。欲内视消息气血不得妄行。凡针入一分。则知天地之气。针入二分。则知呼吸出入。上下水火之气。针入三分。

则知四时五行。五脏顺逆之气。凡针皮毛腠理者。勿伤肌肉。针肌肉者。勿伤筋脉。针筋脉者。勿伤骨髓。针骨髓者。勿伤诸经络。若误伤之。魂魄神志知气失乱。反误人也。学人慎之。（千金）

卷下

针禁忌法

大寒无刺。（素问云天寒无刺天温无疑）月生无泻。月满无补。新内无刺。已刺无内。大怒无刺。已刺无怒。

大劳无刺。已刺无劳。大醉无刺。已刺无醉。大饱无刺。已刺无饱。大饥无刺。已刺无饥。大渴无刺。已刺无渴。

月郭空无治。

凡乘车来者。须令卧以休息。如食顷。乃可刺之。步行来者。令坐以休息。如行十里顷。乃刺之。若大惊大恐者必俟定其气。乃刺之。（千金）

卷下

问针入几分留几呼

答曰。不如是之相拘也。盖肌肉有浅深。病去有迟速。若肌肉浓实处。则可深若浅薄处。则宜浅。病去则速出针。病滞则久留针。为可耳。（素问针刺）

卷下

论泻要诀

神应经云。取穴既正。左手大指掐其穴。右手置针于穴上。令患者咳嗽一声。随咳内针至分寸。候数穴针毕停少时。用右手大指及食指持针细细摇动。进退搓捻。其针如手颤之状。谓之催气。约行五六次。觉针下气紧却用泻法。如针左边用右手大指食指持针。以大指向前。食指向后。以针头轻提往左转。如有数针。俱根据此法。俱转毕。

仍用右手大指食指持针。却用食指连搓三下。（谓之飞）仍轻轻提往左转。略退针半许。（谓之三飞）根据此法行至五六次。觉针下沉紧。是气至极矣。再轻轻提往左转。一二次。欲出针时。令患者咳嗽一声。随咳出针。此之谓泻法也。（大成）

卷下

论补要诀

凡人有疾。皆邪气所凑。虽病患瘦弱。不可专行补法。经曰。邪之所凑。其气必虚。如患目赤等疾。明是邪热所致。可专行泻法治之。其余诸疾。只宜平补平泻。须先泻后补。谓之先泻邪气。后补真气。此乃先师不传之秘也。

今行补法者。令患者吸气一口。随吸转针。如针左边捻针头转向右边。以我之右手大指食指持针。以食指向前。大指向后。仍捻针深入一二分。便真气深入肌肉之分。如有数穴。根据此法行之既毕。停少时。却用手指于针头上。轻弹三下。如此三次。仍用我左手大指食指持针。以大指连搓三下。（谓之飞）将针深进一二分。以针头向左边。（谓之三进三飞）根据此法行至五六次。觉针下沉紧。或针下气热。是气至足矣。即令患者吸气一口。随吸出针急以手按扪其穴。此谓之补法是也。（大成）

枢扶氏曰。凡补法者。假如此穴合针入五分。须先针入二分。候针下得气再入二分。是至四分又候得气更针入一分。总共五分止。然后急出针。即以左手大指急按所针穴孔。勿令出血。是为补也。凡泻法者。假令此穴合针五分。便即入五分。候约得气。便将针退出二分。少停又退出二分。是共提出四分。

再少停候得气。又起针漫漫拔出。

不用手闭其针孔。令其气出。或血出。是为泻法也。

卷下

中指定同身寸图

男左女右。手中指第二节。屈指两纹尖相去为一寸。取稻秆心量。或薄篾量。皆易折而不伸缩为准。用绳则伸缩不便。故不准。

中指定同身寸图

卷下

行针分寸歌

行针分寸中指传。屈指中节两纹尖。男左女右童稚一。长短肥瘦审经权。

法以中指第二节。屈指两纹尖。相去为一寸。童稚亦如之。虽人身有长短肥瘦不同。凡入针之分数。亦有不—。

而身形长者。其指节亦长身形短者。其指节亦短。但随其长短。以取分寸。则自准矣。肥人肌肉肥浓。血气充满。

宜刺三分半。瘦人肌肉瘦薄。血气未盛。宜刺二分。然虽如此。犹有经有权。不可执一而论。如遇不肥不瘦之人。

只在二三分之间。酌量取之。至于心领神会。又当存乎其人矣。

卷下

四季针灸坐向歌

针灸原来宜坐向。理从四季顺自然。东南西北四维向。迎以生气本乎天。

卷下

四季人神所在禁忌针灸歌

四季人神所在处。禁针忌灸莫妄施。春在左肋秋在右。冬在腰间夏在脐。

四季人神所在之处。谓人之神气初动之处。同乎天地之流行也。禁针灸者。恐伤生气也。凡人神常在心。至春在左肋者。肝主升也。秋在右者。肺主降也。冬在腰者。肾主藏也。夏在脐者。脾主化也。

卷下

逐日人神所在禁忌针灸歌

一日足大（足之大指）二外踝。三日股内四在腰。五口六手七内踝。八腕九尻十背腰。十一鼻柱二发际。三牙四胃五遍身。六胸七气（气冲也）八股内。九足二十内踝寻。二十一手小（手之小指）二外踝。三日肝足四手明。

（手阳明）五足（足阳明）六胸七在膝。八阴（男女前阴中也）九胫晦趺停。（足之十指岐骨也）

卷下

十干人神所在禁忌针灸歌

甲不治头乙喉头。丙肩丁心戊腹中。己脾庚腰辛膝位壬肾癸足忌灸针。

卷下

十二支人神所在禁忌针灸

子日（在目）丑日（在耳）寅日（在胸又云面口）卯日（在鼻及脾）辰日（在腰）巳日（在手又云头口）午日（在心腹）未日（在足）申日（在头并肩腰）酉日（在背及腰）戌日（在喉咽头）亥日（在头并臂胫膝）

卷下

十二时人神所在禁忌针灸

子时（在踝）丑时（在头）寅时（在耳一云在目）卯时（在面耳）辰时（在口项）巳时（在乳一云在肩）午时（在胸胁）未时（在腹）申时（在心）酉时（在膝背脾）戌时（在腰）亥时（在股）

卷下

禁针穴歌

（共三十一穴）

禁针穴道要分明。脑户囟会及神庭。络却玉枕角孙穴。颅凶承泣随承灵。神道灵台膻中忌。水分神阙并会阴。

横骨气冲手五里。箕门承筋及青灵。乳中上臂三阳络。二十三穴不可针。孕妇不宜针合谷。三阳交内亦通论。石门针灸应久忌。女子终身无妊娠。外有云门并鸠尾。缺盆客主人莫深。肩井深时人闷倒。三里急补人还平。

卷下

禁灸穴歌

（共四十七穴）

禁灸之穴四十七。承先哑门风府逆。睛明攒竹下迎香。天柱素 上临泣。脑户耳目 脉通禾 颧 丝竹空。头维下关人迎等。肩贞天牖心俞同。乳中脊中白环俞。鸠尾渊腋如周荣。腹哀少商并鱼际。经渠天府及中冲。阳池阳关地五会。漏谷阴陵条口逢。殷门中脉承扶忌。伏兔髀关连委中。阴市下行寻犊鼻。诸穴休将艾火攻。

卷下

针灸诸则

一凡诸病之作。皆由血气壅滞不得宣通。宜用针刺者。以针法开导之。当用灸者。以灸法温暖之。凡治毕。须好持护。忌生冷醋滑等物。若不知慎。必反生他疾。

一凡针刺大法多宜在午时之后。不宜在午时之前。

一凡灸法。须先发于上后发于下。先发于阳。后发于阴。

一凡微数之脉。及新得汗后者。并忌灸。

一凡用火补者。勿吹其火。必待其从容彻底自灭。灸毕。即可用膏贴之。以养火气。若欲报者。直待报毕。贴之可也。

一凡用火泻者。可吹其火。敷其艾宜于速迅。须待灸疮溃发。然后贴膏。此补泻之法也。

卷下

诸症针刺要穴

喉痹又喉缠喉斗底。

天突 廉泉 后顶 风府 风池 合谷 商阳 中冲 少泽 少商 然谷 照海 三阳交 足三里 双单乳蛾 燕口。

后溪 少冲 少商 合谷 风池 牙关 紧闭口眼歪斜 搜牙悬。

颊车 承浆 合谷 鱼际 足三里 枢扶氏曰。以上诸穴。皆急治喉风等症之要穴法也。其余诸穴。切勿妄行针灸。必须谨遵古法。庶不有误。慎之慎之。

卷下

制针法

制针须用马嚼环铁。以马属午午属火火克金取克制。能解铁毒之义也。故本草用马衔铁作医针为妙。若以真金制针。用之更佳。其炼之法。以马衔铁琢作二寸长。或三寸。不拘长短。要光圆尖者数针。三棱式者数针。以便分症从穴按用。不可过于尖锋恐易折针于肉内也。次以蟾酥涂针尖上入火中微。不可令红。取起复照前涂酥三次。乘热插入腊肉皮之里肉之外。将后药用水三碗煎沸次。入针肉在内。煮至水干。倾于清水中。待冷将针取出。

于黄土中插百余下。以去火毒再用。细石打磨净及端直。仍用松子油涂之。当常近人气为妙。

卷下

煮针药方

麝香（五分） 胆矾（一钱） 朱砂（三钱） 没药（三钱） 郁金（三钱） 川芎（三钱） 归尾（三钱）

磁石（一两） 石斛（二分） 皂角（二钱） 穿山甲（三钱） 甘草节（五钱） 沉香末（五钱） 北细辛（三钱）

以上诸药。能引气味入针内。

卷下

任脉穴

任脉起于会阴。循腹上行会于咽喉。至承浆止。凡二十四穴。是科只用璇

玃。天突。廉泉承浆。四穴。（后载会阴一穴云凡喉风禁针故不列入总条）

承浆（一名天池，一名悬浆）在颐前下唇棱下陷中。经云。足阳明任脉之会。刺二分。留五呼。灸三壮。主治口眼斜。口噤不开。暴暗不能言。偏风半身不遂。刺三分。徐徐引气而出。一云疗偏风口面肿。消渴饮水不休。口齿瘡蚀生疮。灸之亦佳。日可七壮。至七七壮止。即血脉宣通。其风应时立愈。艾炷不必大。但令当脉即能愈疾。千金云。小儿唇紧。灸三壮。百症赋云。泻牙痛而即移。通元赋云。治头项强。

廉泉（一名本池 一名舌水）在颌下结喉上中央舌本下。仰面取之。经云阴维任脉之会。按刺症论所载云。舌下两脉者。廉泉也。气府论曰。足少阴舌下各一。卫气篇曰。足少阴之标。在背与舌下两脉。然则廉泉非一穴。

当是舌根下之左右泉脉而且为足少阴之会也。刺三分。留三呼。灸三壮。主治咳嗽喘息。上气吐沫。舌纵舌下肿难言。舌根缩急不食涎退场门疮。

百证赋云。兼刺中冲穴。堪攻舌下肿痛。

天突（一名玉户）在结喉下三寸宛宛中。阴维任脉之会。刺五分。留三呼。灸二壮。低头取之。主治上气哮喘。咳嗽喉痹。五噎肺痛。吐咯脓血。咽肿暴暗。身寒热咽干。舌下急。不得下食等症。

璇玃在天突下一寸陷中。仰头取之。刺三分，灸五壮。主治胸胁满。咳逆上气。喘不能言。喉痹咽肿。水饮不下。实症。

会阴（一名屏翳）在大便前小便后。两阴之间。任脉别络。侠督脉波脉之会。任督冲三脉所起任由此而行腹。

督由此而行背。冲由此而行少阴之分。宜灸不宜针。主治阴寒阴中诸病。凡喉风禁针。

卷下

手太阴肺经穴

手太阴肺经。起于中府。出腋下循臂内行人寸口。至鱼际。出大指之端。止于少商。凡十一穴。今录六穴。

中府（一名膺中俞）在云门下一寸。去任脉中行华盖穴旁横开六寸。乳上三肋间陷中。动脉应手。仰而取之。

手足太阴之会刺三分。留五呼。灸三壮。主治肺急胸满。涕浊喉痹。气逆善噎。食不下。肺风面肿。肺胆寒热。此穴主泻胸中之热。其治与缺盆风府多同。

云门 在中府上直行一寸六分陷中。动脉应手。举臂取之。刺三分。灸五壮。甲乙经云。刺太深令人逆息。千金云。灸五十壮。主治咽痛喉闭。瘰气伤寒四肢热不已。咳逆短气上冲心胸等症。

天府 在臂 内廉腋下三寸动脉陷中。用鼻尖点墨到处是穴。刺三分。留三呼。禁灸。灸之令人气逆。主治暴痹内逆肝肺相抟。血溢口鼻。飞尸鬼注。百证赋云。兼合谷可追鼻中衄血。

尺泽 在肘中约纹上。屈肘横纹筋骨罅中。动脉是也。

手太阴所入为合。肺实泻之。刺三分。留三呼。灸三壮。甄权云。臂屈伸横纹之间。筋骨罅中。不宜灸。主治呕吐上气。喉痹腹痛。心烦舌干。及小儿慢惊风。可灸一壮。千金翼云。邪病四肢重痛。诸杂症候。尺泽主之。一名鬼堂。又云。五般肘痛寻尺泽。

鱼际 在手大指本节后内侧陷中。散脉中。白肉际。

手太阴所溜为荣。刺二分。留三呼。灸三壮。主治咽喉干燥。乳痈舌上黄。身热恶寒酒病。百证赋云。兼腋门能治喉痛。一传齿痛不能食饮。左患灸左。右患灸右。男三灸。女四灸。

少商 在手大指内侧端。去爪甲角如韭叶。白肉宛宛中。手太阴所出为井。刺一分。留三呼五吸。宜用三棱针刺。微出血泄诸脏之热。不宜灸。主治项肿喉痹。烦心呕哕。雀目不明。唇干唾沫。饮食不下。手弯指痛。小儿乳蛾。乾坤生意云。此为十井穴。凡国中风暴卒。昏沉痰涎壅盛。牙关紧闭。水粒不下。急以三棱针刺此穴。及少冲。中冲。关冲。少泽。商阳。使血气流行。乃起死回生急救之妙穴也。

卷下

手厥阴心包络经穴

心包络经。起自天池。循胸中出肋下。入肘内曲泽下臂行循中指出其端。终于中冲。凡九穴。今录四穴。

天池（一名天会） 在乳后一寸。腋下三寸。着肋直腋掇肋间气府。论注曰。在乳后同身寸之二寸。手厥阴足少阳之会。刺三分。灸三壮。主治胸胁烦满。头痛寒热疟。千金云。治颈漏瘰。灸百壮。

天泉（一名天） 在曲腋下。去肩臂二寸。举臂取之。刺六分。灸三壮。一曰刺二分。主治恶风寒胸胁痛。

曲泽 在肘内廉横交陷中。筋内侧动脉。屈肘得之。

手厥阴所入为合。刺三分。留七呼。灸三壮。主治咽喉疼痛。身热烦渴。臂肘摇动掣痛不可伸。

中冲 在手中指端。去爪甲如韭叶陷中。手厥阴所出为井。刺一分。留三呼。灸一壮。主治热病汗不出。头痛如破。身热如火。心痛烦满。舌强痛。神农经云。治小儿夜啼多哭。灸一壮。炷如小麦。百证赋云。兼廉泉堪攻舌下肿痛。一云主治神气不足。失志。灸三壮。乾坤生意云。此为十井穴。凡中风痰涎

壅盛。牙关紧闭。及喉痛药水不下。急以三棱针刺少商。少冲。并此穴。使血气流通。乃起死回生之妙诀。

卷下

手少阴心经穴

手少阴心经。起于极泉。终于少冲。脉起心中。出属心系下膈络小肠。其支者。从心系上侠咽系目系。其直者。

复从心系却上肺。下出腋下循 内后廉。行手太阴肺。心主之后。下肘内循臂内后廉。抵掌后锐骨之端。入掌内后廉。循小指之内出其端。凡九穴。今取二穴。

少冲（一名经始） 在手小指内侧端。去爪角如韭叶。手少阴所出为井。刺一分。留一呼。灸一壮。主治热病烦满。心火炎上。眼赤血少。呕吐血沫。口热咽酸。乍寒乍热。 臂内后廉痛。手弯不伸。乾坤生意云。此为十井穴。凡中风跌倒。卒暴昏沉。双单蛾痹。喉紧不开。以三棱针刺此穴。及少商诸穴。使血气流通。乃救急之要法也。

通里 在腕侧后一寸陷中。 手少阴络。别走手太阳经。刺三分。灸三壮。主治热病头痛目眩。喉痹苦呕。肘臂肿痛。神农经云。治目眩头疼。可灸七壮。马丹阳云。治欲言声不出实则四支重。头腮面颊红。喉闭气难通。不能饮食。以三棱针微刺出血。不宜灸。

卷下

足阳明胃经穴

足阳明胃经之脉。起于鼻之交 中旁。约太阳之脉。下循鼻外。上入齿中。还出侠口环出唇下交承浆。却循颐后下廉出大迎。循颊车上耳前循发际至额颅。其支者。从大迎前下人迎。循喉咙入缺盆下膈属胃络脾。其直者。从缺盆下乳内廉。下挟脐入气街中。其支者。起于胃下口。循腹里。下至气街中。而合以下髀关。抵伏兔下膝腘中。下循胫外廉。下足跗入中指外间。其支者。下廉三寸。而别入中指外间。其支者。别跗上大指间出其端。凡四十五穴。

今取八穴。

头维 在额角入发际。神庭旁开四寸五分。足少阳阳明之会。刺三分。没皮向下。禁灸。主治头风疼痛如破目疼泪出不明。玉龙赋云。兼攒竹能治目痛头痛。

颊车（一名曲 一名曲牙） 在耳下曲颊端。近前陷中。侧卧开口取之。刺三分。灸三壮。一曰灸七壮。至七七壮。炷如小麦。主治中风牙关不开。失音不语。口眼歪斜。颊肿齿痛。不能嚼物。颈强不得回顾。凡口眼 斜者。

则左泻右补。斜则左泻右补。灵光赋云。针齿痛。

地仓（一名会准） 夹口吻旁四分外如近下微有动脉。若久患风。其脉亦有不动者。手阳明足阳明任脉阳跷之会。刺三分。留五呼。灸七壮。病左治右。病右治左。若过大口反。却灸承浆即愈。主治偏风口眼歪斜。牙关不开。齿痛颊肿。灵光赋云。地仓能止口流涎。

缺盆（一名天盖） 在肩上横骨陷中。为五脏六腑之通。刺三分。留七呼。灸三壮。刺太深令人逆息。孕妇禁针。主治喉闭汗出瘰 寒热。缺盆中肿外溃。伤寒胸中热不已。

阴市（一名阴鼎） 在膝上三寸。伏兔下陷中。拜而取之。刺三分。留七呼。禁灸主治腰膝寒如注水。痿痹不仁。不得屈伸。寒疝小腹痛满少气。千金云。水肿腹大灸。随年壮。

犊鼻 在膝腘下 骨上。骨解大筋陷中。形如牛鼻。故名。一曰在膝头下。近外窟解中。刺六分。灸三壮。一曰刺三分。主治膝痛不仁。难跪起。香港脚。灵光赋云。善治风邪湿。

足三里（即下陵穴） 在膝眼下三寸。 骨外廉大筋内宛宛中。坐而竖膝低跗取之。极重按之。则跗上动脉正矣。足阳明所入为合。刺五分。留七呼。灸三壮。千金云。灸二百壮。至五百壮止。一云。小儿忌灸三里。三十外方可灸。不尔反生疾。秋月不宜出血。恐土虚也。主治胃寒心腹胀痛。逆气上攻。藏气虚惫。胃气不足。恶闻食臭。腹痛肠鸣。食不化。大便不通。小肠气。华陀云。疗五劳七伤。羸瘦虚乏瘀血乳痈外台明堂云。人年三十已外。

若不灸三里。令气上冲目使眼无光盖以三里能下气也。千金云。凡邪病大呼骂走。三里主之。名鬼邪。太乙歌云。

兼束骨刺。治项强肿痛。体重腰瘫。又云合太冲中封。治行步艰难。百证赋云。兼阴交。治中邪霍乱。天星秘诀云。

兼二间。治牙疼头痛。并喉痹小便不利等症。

厉兑 在足大指次指之端。去爪甲如韭叶。按本轮篇曰。厉兑者。足大指内次指之端也。经脉经筋等篇。俱云中指缪刺篇曰。邪客于足阳明之络。刺足中指次指爪甲上。各一。据此诸篇之说。可见中指次指之间。皆阳明脉所发也。足阳明所出为井。刺一分。留一呼。灸一壮。主治面肿喉痹。齿齲恶风。百证赋云。与隐白相偕。治梦魇不宁。

卷下

足太阴脾经穴

足太阴脾经之脉。起于大指之端。循指内侧白肉际过核骨后。上内踝前廉。上 内循胫骨后交出厥阴之前。上膝股内前廉入腹。属脾络胃。上膈侠咽连舌本。散舌下。其支者复从胃别上膈注心中。凡二十一穴。今取四穴。

隐白 在足大指内侧端。去爪甲如韭叶。足太阴所出为井。刺一分。留三呼。宜灸三壮。主治中痛呕吐。食不下及足寒不得温。妇人月事过时不止。刺之立愈。小儿客忤惊风。

三阴交 在内踝上。除踝三寸。骨下陷中。足三阴之交会。刺三分。留七呼。灸三壮。凡妊妇不可刺。主治脾胃虚弱。心腹胀满。不思饮食。妇人产难。月水不禁。赤白带下。宜先泻后补。凡小肠疝气。外肾偏坠。小便不通。

浑身浮肿。宜先补后泻。千金云。内踝上三寸绝骨宛宛中。灸五十壮。主咳逆虚劳。筋骨挛痛。喉痹项颈满。肠痔逆气痔血阴急等症。又云男女梦与人交泄精。三阴交灸五壮。梦泄神良。昔有宋太子善医术。出逢一妊妇。太子诊之曰是一女也。徐文伯亦诊曰。此一男一女也。太子性急欲剖视之。文伯曰。臣能针而落之。为泻三阴交。补手阳明合谷。应针而落。果如文伯之言。故妊娠不可刺此穴。且能落死胎也。

阴陵泉 在膝下内辅骨下陷中。伸足取之。或曲膝取之。与少阳经阳陵泉内外相对。一曰稍高一寸。足太阴所入为合。刺五分。留七呼。灸三壮。主治腹中寒痛。胀满喘逆。不得卧。小便不通。阴痛。足膝红肿。通元赋云。

能开通水道。喉痹胸满。

血海（一名百虫窠） 在膝腓上一寸。内廉白肉际陷中。一云在膝内辅骨上横入五分。刺五分。灸五壮。主治肾脏风两腿疮痒湿不可当。妇人月事不调带下。先补后泻。百证赋云。兼地机。治妇人经事之改常又云兼冲门治癖有验。灵光赋云。兼气海疗五淋症。

卷下

督脉穴

督脉起于少腹以下骨中央。女子入系廷孔其孔溺孔之端也。其络循阴器合篡间绕篡后。别绕臀至少阴。与巨阳中络者。合少阴上股内后廉贯脊。属肾。与太阳起于目内。上额交颠上。入络脑还出别下项。循肩膊内侠脊抵腰中。入循膂络肾。其男子循茎下至篡。与女子等。其少腹直上者贯脐中央。上贯心入喉上颐。环唇上系两目下中央。

按督脉始于长强。循行背中。上脊至风府。入属于脑。终于龈交。凡二十八穴。今取十三穴。

长强（一名气之阴 一名橛骨灵枢谓之穷骨亦名骨） 在脊 骨端。伏地取之。督脉之络。别走任脉足少阴所结。刺二分。留七呼。灸三壮。主治腰脊强急。不可俯仰。肠风下血。五痔五淋。下部疳蚀。小儿凶陷。惊痫螾。脱肛泻血。此穴为五痔之本。玉龙赋云。兼承山灸痔最妙。一经验。治少年注夏羸瘦灸此最妙。

门（一名暗门一名舌厌 一名舌横） 在项后入发际五分宛宛中。仰头取之。督脉阳维之会入系舌本。刺二分。不可深。禁灸。灸之令人哑。主治颈项强急不语。诸阳热盛。衄血不止。百证赋云。兼关冲。治舌缓不语为紧要。

风府（一名舌本） 在项上入发际一寸。大筋内宛宛中。疾言其肉立起休言。其肉立下。督脉阳维之会。热论曰。巨阳者。诸阳之属也。其脉连于风府。刺三分。留三呼。禁灸。灸则令人暗。主治中风舌缓。咽喉肿痛。伤风头痛。项急不得回顾。狂走悲恐。惊悸欲自杀。一云主泻胸中之热。与大杼缺盆中府同。席宏赋云。风府风池寻得到。伤寒百病一时消。又云。从来风府最难寻。须用功夫度浅深。倘若膀胱气未散。更宜三里穴中寻。通元赋云。

风伤项急求风府。一传治感冒风寒呕吐不止。

脑户（一名迎风一名会额一名合颅） 在枕骨上强间后一寸五分。一曰在发际上二寸。督脉足太阳之会。禁刺灸。刺中脑户令立死。亦不可灸。灸之令人暗。（此不在十三穴之数）

强间（一名大羽） 在后项后一寸五分。刺二分。灸五壮。一曰禁灸。主治头痛项强。目眩脑旋。烦心呕吐涎沫。百证赋云。兼丰隆。治头痛难禁。

后项（一名交冲） 在百会后一寸五分。枕骨上刺二分灸五壮。主治颈项强急。咽喉疼痛。恶风目眩。

百会（一名三阳五会一名巅上一名天满） 在前项后一寸五分。头中央旋毛心容豆许。直两耳间上对是穴。督脉足太阳之会。手足少阳足厥阴俱会于此。刺二分。灸五壮。甲乙经曰。刺三分。灸三壮。一曰灸头项不得过七七壮。主治头风头痛耳聋鼻塞鼻衄。中风口噤不开。或多悲哭。小儿风痫惊风。脱肛久不瘥。一曰百病皆治。宜刺此二分。得气即泻。席宏赋云。兼太冲照海阴交。治咽喉疾。

前项 在囟会后一寸五分骨陷中。一云在百会前一寸。刺二分。灸五壮。主治头风目眩。面赤肿。小儿惊痫。

鼻多清涕。颈项肿痛。咽喉诸症。神农经云。治小儿急慢惊风。可灸三壮。艾炷如小麦。

囟会 在上星后一寸陷中。刺二分。灸五壮。小儿八岁以前禁针。盖其囟门未合。刺之不幸令人夭。主治脑虚冷痛。头风肿痛项痛饮酒过多。头皮肿。风痫清涕。一云治目眩面肿。鼻塞不闻香臭。可灸二七壮。初灸即不痛。

病去即痛。痛即罢灸。若是鼻塞。灸至四日渐退。七日顿愈。针入二分。留三呼。得气即泻。凡头风生白屑多睡。

针之弥佳。针讫。以末盐生麻油相和揩发根下。即头风永除。

上星（一名神堂） 在鼻直上入发际一寸陷中。可容豆。刺三分。留六呼。

灸五壮。一云宜三棱针出血。以泻诸阳之热气。主治头风头痛。鼻血鼻涕鼻塞。目眩不能还视睛痛。以三棱针刺。即宣泄诸阳热气。无令上冲头目。

玉龙赋云。治鼻渊头风。

神庭 直鼻上入发际五分。发高者发际是穴。发低者加二三分。督脉足太阳阳明之会。灸三壮。禁刺。刺之令人癫狂面肿目失明。一曰灸七壮。至三七壮。主治头风目泪诸症。凡喉风切禁针灸。

素（一名面王） 在鼻端准头。刺一分。禁灸。主治鼻中肉不消。多涕。一曰治酒酢风。用三棱针出血效。

水沟（一名人中） 在鼻下人中陷中。督脉手足阳明之会。刺三分。留六呼。得气即泻。灸三壮。炷如小麦。

然灸不及针。主治中风口噤。牙关不开。卒中邪恶鬼击。不省人事。神农经云。治小儿急慢惊风。灸三壮。炷如小麦。

龈交（齿根肉） 在唇肉上齿缝中。任督二经之会。刺三分。逆刺之。灸三壮。主治面赤心烦痛。鼻生肉不消。目泪多眵赤痛。牙疳肿痛。小儿面疮久瘵不除点烙亦佳。百证赋云。专治鼻痔。

卷下

手阳明大肠经穴

手阳明大肠之脉。起于大指次指之端。循指上廉出合谷两骨间。上入两筋之中。循臂上廉。入肘外廉上外前廉。上肩出骨之前廉上。出于拄骨之上会下入缺盆。络肺下膈属大肠。其支者。从缺盆上颈贯颊入下齿中。还出侠口交人中。左之右。右之左。上侠鼻孔终于迎香。凡二十穴。今取七穴。

商阳（一名绝阳） 在手食指内侧。去爪甲角如韭叶。手阳明所出为井。刺一分。留一呼。灸三壮。主治胸中气满喘咳。口干颐肿。齿痛目盲。乾坤生意云。此为十井穴。凡国中风跌倒卒暴沉昏。牙关紧闭。咽喉肿痛。药水不下。急以三棱针刺此穴。及少商中冲少冲。使血气流通。乃急救回生之妙诀。

合谷（一名虎口） 在大指次指岐骨间陷中。手阳明所过为原。刺三分留六呼。灸三壮。主治头痛脊强。面肿目翳。发热恶寒。口噤不开。喉闭乳蛾等症。一云能下死胎。妇人妊娠补合谷即堕胎。千金云产后脉绝不还。刺合谷。入三分急补之。百证赋云。兼天府。治鼻衄。马丹阳天星十二穴云疗头痛并面肿。齿齲鼻衄血。口噤不开言。

针入五分深。能令病自安。

阳溪（一名中魁） 在手腕中上侧两筋间陷中。手阳明所行为经。刺三分。留七呼。灸三壮。主治狂言喜笑见鬼。热病烦心喉闭。耳鸣齿痛。目赤烂翳。寒热痰疟。席宏赋云。兼二间。治牙痛喉痹。

手三里 在曲池下二寸。兑肉之端。按之肉起。刺三分。灸三壮。主治齿痛烦肿。瘰 手痹不仁。

曲池 在肘外辅骨屈肘曲骨之中。以手拱胸取之。手阳明所入为合。刺七分。留七呼。灸三壮。一云百壮。主治手臂红肿肘中痛 偏风半身不遂。皮肤干燥痂疥。妇人经脉不通。马丹阳天星十二穴云。善治肘中痛。偏风手不收。挽弓开不得。举臂莫梳头。喉痹促欲死。发热更无休。遍身风癬癩。针着实时瘳。席宏赋云。兼合谷。治手不如意。

五里 在肘上三寸行向里大脉中央。一云在天府下五寸。禁刺。灸三壮。一曰十壮。主治肘臂疼痛难动寒热瘰。

巨骨 在肩尖上行两 骨间陷中。 手阳明阳跷之会。刺六分。灸三壮五壮。一曰禁刺。主治惊痫吐血胸中。

有瘀血。臂痛不得伸屈。

卷下

手太阳小肠经穴

手太阳小肠之脉起于小指之端。循手外侧上腕出踝中。直上循臂骨下廉出肘内侧。两骨之间。上循 外后廉。

出肩解绕肩胛交肩上入缺盆。络心。循咽下膈抵胃。属小肠。其支者。从缺盆循颈上颊至目锐 。却入耳中。其支者。别颊上 抵鼻至内 。斜络于颧。凡十有九穴。今取三穴。

少泽（一名小吉） 在手小指外侧端。去爪甲角一分陷中。甲乙经曰。在小指之端去爪甲一分陷中。手太阳所出为井。刺一分。留二呼。灸一壮。主治 疟寒热汗不出喉痹舌强。心烦咳嗽。颈项痛不可顾目生翳。乾坤生意云。

此为十井穴。凡国中风痰涎壅盛。咽喉闭塞。急以三棱针刺少商商阳中冲少冲及此穴。使血气流通。乃起死回生急救之妙穴。

后溪 在手小指本节后外侧横纹尖上陷中。仰手握拳取之。一云在手腕前外侧拳尖起骨下陷中。手太阳所注为。刺一分。留二呼。灸一壮。主治 疟寒热目翳鼻衄耳聋胸满。项强等症。捷法云。疗头项强痛。腮颊红肿。咽喉塞闭。水饮不下。心肺二经热病。双蛾喉痛。肺与三焦热病。单蛾咽肿。上下牙两颊疼痛。牙关紧急不开。颈项红肿。肾虚头痛。肝厥头晕。并醉后头风。

少海 在肘内大骨外去肘端五分陷中。屈手向头取之。手太阳所入为合。刺二分。留七呼。灸五壮。主治肘臂肩颈项痛。咽喉牙龈疼痛。

卷下

足少阳胆经穴

足少阳胆经之脉。起于目锐 。上抵头角下耳后循颈行手少阳之前至肩上。

却交出手少阳之后，入缺盆。其支者。从其后入耳中。出走耳前至目锐 后。其支者。别从锐 下大迎合手少阳抵于 。下加颊车下颈合缺盆。以下胸中贯膈络肝属胆。循胁里出气街绕毛际横入髀厌中。其直者。从缺盆下腋。循胸过季肋。下合髀厌中以下。循髀阳出膝外廉。下外辅骨之前直下抵绝骨之端。下出外踝之前循足跗上入小指次指之间其支者。别跗上入大指之间。

循大指歧骨内出其端。还贯爪甲出三毛。凡四十三穴。今取九穴。

瞳子（一名太阳一名前关）在目外去 五分。手太阳手足少阳三脉之会。刺三分。灸三壮。主治头痛目痒。

外赤痛。翳膜青盲。远视KT KT 。泪出多眵。一云兼外泽。能治妇人乳肿。

听会（一名听河一名后关）在耳前陷中。一云耳珠下开口有空。侧卧张口取之。刺四分。灸三壮。主治耳聋耳鸣牙车脱臼。齿痛中风蜗 斜。玉龙赋云治耳聋腮肿。

完骨 在耳后入发际四分。足太阳少阳之会。刺三分。留七呼。灸三壮。主治头痛风。耳鸣齿 HT 。牙车急。口眼斜喉痹颊肿。瘰疾便赤。足痿不收。

阳白 在眉上一寸。直瞳子。甲乙经曰。足少阳阳维之会。气府论王氏注曰。足阳明阴维之会。刺二分。灸三壮。主治头痛目昏。背寒栗。重衣不得温。

临泣 在目上直入发际五分陷中。正睛取之。足太阳少阳阳维三脉之会。刺三分。留七呼。灸三壮。一曰禁灸。

主治鼻塞目眩生翳。惊痫反视。胁下痛。疟疾夕发。

正营 在目窗后一寸。足少阳阳维之会。刺三分。

灸三壮。主治头痛目眩。齿HT 痛唇吻强急。

承灵 在正营后一寸五分。足少阳阳维之会。刺三分。灸五壮。一曰禁针。主治脑风头痛。恶风鼻塞不通。

脑空（一名颞 ）在承灵后一寸五分。夹玉枕骨下陷中 。气府论王氏注曰。夹枕骨后枕骨上。足少阳阳维之会。刺四分。灸五壮。主治劳瘵身热羸瘦。脑风痛。颈痛不可忍。鼻衄耳聋等症。

风池 在耳后颞 后脑空下发际陷中。按之引耳。一云耳后陷中。后发际大筋外廉。足少阳阳维之会。刺四分。

灸三壮七壮。艾炷不用大。主治中风偏正头痛。目眩赤痛泪出。牙关紧喉咙疼痛。汤水不能入。

肩井（一名膊肩）在肩上陷解中缺盆上大骨前一寸半。以三指按取之。当中指下陷者中。手足少阳阳明阳维之会。刺五分。灸三壮。孕妇禁针。一曰此足阳明之会。连五脏气。若刺深令人闷倒。速补三里。凡针肩井者。皆以三里

下其气。一曰此脏气所聚之处。不宜补。

主治中风气塞。涎上不语。头项颈痛。臂不能举。或因扑伤腰痛。香港脚上攻。若妇人难产坠胎后，手足厥逆。

针之立愈。若灸更胜。

千金云。凡产难针两肩井一寸泻之。须臾即生矣。百证赋云。治乳痈极效。

阳陵泉 在膝下一寸外廉陷中。尖骨前筋骨间。蹲坐取之。主治偏风半身不遂。足膝冷痺不仁。无血色。香港脚筋挛。增治法云。治筋软筋缩疼。寒热头痛。口舌咽喉及头面肿。胸胁胀满。心中怵惕。此为筋会。故治筋病。

足临泣 在足小指次指本节后间陷中。去侠溪一寸五分。足少阳所注为。刺二分。留五呼。灸三壮。主治胸满气喘。目眩心痛。季胁支满。乳痈。妇人经水不利。千金云。颈漏腋下马刀。灸百壮。

窍阴 在足小指次指端。去爪甲如韭叶。足少阳所出为井。刺一分。留三呼。灸三壮。主治胁痛咳逆不得息。

手足烦热汗不出。痈疽口干头痛。喉痺舌强。耳聋转筋肘不能举。

卷下

足少阴肾经穴

足少阴肾经之脉。起于足小指之下斜趋足心之涌泉穴。出于然谷之下。循内踝之后。别入跟中。以上内出内廉上股内后廉。贯脊属肾。络膀胱。其直者。从肾上贯肝膈。入肺中循喉咙侠舌本。其支者。从肺出络心注胸中。

凡二十七穴。今取三穴。

涌泉（一名地冲） 在足心陷中。屈足卷指宛宛中。足少阴所出为井。刺三分。留三呼。灸三壮。主治喘咳有血。心中结热。目眩颈痛。身热喉痺。足胫寒痛。转筋热厥。五指尽痛。足不践地。

然谷（一名龙涧一名然骨） 在足内踝前。起大骨下陷者中。足少阴所溜为荣。刺二分。留三呼。灸三壮。一曰刺不宜见血。主治喘呼烦满咳血。喉痺消渴。舌纵心恐少气涎出。小腹胀。妇人阴挺出。月经不调。初生小儿脐风撮口此穴主泻肾脏之热若治伤寒。亦宜出血白证赋云。此穴易醒脐风。

照海 在足踝内下一寸陷中容爪甲。一云在内踝下四分。微前高骨陷中。前后有筋上有踝骨。下有软骨。其穴居中。神农经云。在内踝直下白肉际是穴。阴跷所生。刺四分。留六呼。灸三壮。一曰刺三分。灸七壮。主治咽干呕吐。腹中气痛。拦江赋云。治噤口喉风。用三棱针出血即安。席宏赋云。兼百会太冲阴交。治咽喉疾。

卷下

足太阳膀胱经穴

足太阳膀胱之脉。起于目内。上额交颠。其直者。从颠入络脑还出别下项。循肩膊内侠脊抵腰中。入循膂络肾属膀胱其直者。从腰中下侠脊贯臀入中。其直者。从膊内左右别下贯胛侠脊内过髀枢循髀外从后廉下合中以下贯内。出外踝之后。循京骨至小指外侧。终于至阴。凡六十三穴。今取五穴。

睛明（一名泪乳）在目内 外一分宛宛中。气府论注曰。手足太阳足阳明阴阳跷五脉之会。刺一分。留六呼。

灸三壮。甲乙经曰。刺六分。一曰禁灸。主治目痛视不明。见风泪出。肉攀睛。白翳 痒痛眼头痛目眩。凡治雀目者。可久留针。然后速出之。席宏赋云治目若未效。并合谷光明不可缺。灵光赋云。治肉。

攒竹（一名始先一名员柱一名夜光一名光明）在眉头陷者中刺一分。留六呼不宜灸。甲乙经云。灸三壮。明堂用细三棱针刺之。宣泄热气。眼目大明刺三分。出血。主治目视KT KT 泪出。目眩瞳子痒。眼中赤痛。及腮脸动不卧。玉龙赋云。兼头维。治目疼头痛。

通天（一名天归）在承光后一寸五分。一曰横直百会旁一寸五分。刺三分。留七呼。灸三壮。主治头旋项痛不能转侧。鼻塞偏风口 衄血。头重耳鸣青盲内障。

大杼 在项后第一椎下两旁。相去脊中各二寸陷中。

正坐取之。海论曰冲脉者。其输上在于大杼。气穴论曰。督脉别络手足太阳三脉之会。刺三分。留七呼灸五壮。

一曰禁灸。非有大急不可灸也。主治伤寒汗不出。腰脊项背强痛不得卧。喉痹烦满。头痛咳嗽。膝痛不可伸屈。

至阴 在足小指外侧。去爪甲角如韭叶。足太阳所出为井。刺一分。留五呼。灸三壮五壮。主治风寒头重。鼻塞目痛生翳。胸胁痛。转筋心烦。足下热。小便不利。失精。席宏赋云。专治脚膝肿。百证赋云。兼屏翳。治遍身痒痛之疾。张仲文。治妇人横产手先出。诸符药不效。为灸右脚小指尖三壮。炷如小麦。下火立产。